

Insait: P3
Lutheran Synod
nius...

P4
Bisnis na
Politiks long yia
i go pinis...

P16
Musik long
yia i go
pinis...

**Gutpela Belo
Kaikai**

Wantok

Namba 1847 Wan Wik Januəri 7 - 13, 2010 Niuspepa Bilong Yumi Ol PNG Stret! **K1 tasol**

Femili dai wantaim long balus birua

Andrew Molen i raitim

BALUS we i bin pundaun long Morobe provins long Trinde,

Desemba 30, 2009, i bin karim sikspela manmeri. Olgeta dispela lain em wanpela famili tasol. Olgeta yet i bin dai.

Misis Bowenke Ponis wantaim ol pikinini bilong em Julie, 20 krismas, Jerry, 16 na tupela kasen susa bilong ol, Jacinta Naio, 20, na tupela bebi i bin dai long dispela balus birua.

Wanpela bebi em Rolina Agasabu husat i gat 11-pela mun tasol na i pikinini bilong mis Naio.

Na narapela liklik em Raymond Galingau husat i gat 7 krismas na i pikinini bilong Joyce Ponis, 31 krismas husat i no bin kalap long dispela balus.

Joyce na brata bilong em David, 26, i no bin kalap bilong wanem balus i pulap na tupela i stap bek na wetim balus long kam bek na kisim ol.

Misis Ponis em i liklik susa bilong bilong Gavana bilong Morobe, Luther Wenge.

Ol nius ripot long dispela taim i tok pailot tasol i kisim bagarap na sampela lain i kisim em i go long Kens (Cairns), Australia.

Ol i tok em i wok long orait i stap long haus sik.

Famili bilong ol lain i dai i tok ol i kisim ripot bilong pailot olsem bihain



RAUSIM BODI: Hia ol reskiu lain i raunsim ol bodi bilong femili husat i dai long balus birua. Long baksait em balus i pundaun long en long Morobe Provins. *Poto: Bustin Anzu*

long em i luksave olsem balus bai bungim birua, em i tokim ol pasindia bilong em long bihainim em na kalap i go aut lusim balus, tasol ol i no bihainim em.

Pailot yet i tok olsem em i salim tok pinis long redio na helpim bai kam na ol i mas kalap wantaim em.

Jerry tasol i bin laik bihainim pailot long kalap tasol mama bilong em i holim pasim em na tok ol bai prea.

Ponis famili em bilong Bandoang long Nawaeb eria bilong Morobe provins.

Ol i bin lusim Mosbi we ol i stap

planti yia pinis, long go bek long ples.

Ol i salim haus bilong ol long Gerehu stes 6, kalap long bikipela balus na go long Lae we ol i kisim wanpela liklik balus bilong Kiunga Aviation long go long ples bilong ol.

Moa stori long pes 2

Toktok wantaim 11 toea Olgeta De na Olgeta nait!

Peim 4-pela mak aninit long nomol reit wantaim Digicel!

Ringim ol poroman bilong yu long Digicel o long ol lenlain na toktok wan minit long nomol reit, na bihain long en, bai yu peim tasol 11 toea long wan wan minit.

Digicel

Biznes, Entreprena msa Network bilong PNG

Digicel Tems na Kondisen i stap.

OX & PALM Since 1936

Em i liklik prais tu!!

I stap klostu long stua bilong yu...

Rait abus!

Ol bodi bai go bek long ples



PAIA KUKIM: Paia i bagarapim balus nogut tru. Tel bilong balus tasol em ol i ken luksave. *Ol Poto: Bustin Anzu*

Bustin Anzu i raitim

OL BODI bilong sikspela lain husat i dai long birua bilong balus long Morobe Provins long las wik bai go long ples bilong ol. Nau yet, wok bilong painim aut long bagarap bilong balus bai go het long Lae.

Ol lain bilong dispela balus kampani, Kiunga Aviation na ol famili bilong ol lain husat i dai i go het yet long painim rot long salim ol bodi i go long ples long planim.

Pikinini bilong pilot na papa bilong balus Nick Leahy i tok ol i wok long stretim toktok wantaim ol famili bilong ol lain husat i dai long kisim ol bodi i go bek long Bandoang eria bilong Boana, insait long Nawaeb.

Em i tok papa bilong em Richard, husat em wanpela las famili bilong ol Leahy famili, i tok papa bilong em i kisim luksave bilong ol dokta long Royal Brisbane Haus sik long Australia. Dispela hevi i bin

kamap long ples Bengum, ples stap namel long Gumbum na Tunam, insait long Boana distrik long Nawaeb llektoret bilong Morobe provins.

Dispela wan enjin balus bilong Kiunga Aviation i bin karim sikspela pasindia, 4-pela bikpela manmeri na tupela pikinini na laik i go long Bandoang ples long bikbus bilong Boana long las wik Trinde.

Tasol em i tanim na laik i go bek long

Nadzab ples balus bihain long bungim sampela hevi.

Tasol em i no pundaun long ples balus tu na pundaun i go daun long maunten bilong Bengum. Olgeta pasindia long dispela Sesna (Cessna) balus i dai tasol pilot na papa bilong balus Richard Leahy i no dai na tasol em i kisim bagarap long skin bilong em.

Ol polisman na wokman bilong Helt i bin go long

dispela hap na kisim ol bodi bilong ol dispela lain i dai i go lusim long Angau Hausik mog na larim ol lain bilong Civil Aviation long mekim wok painim aut.

Kaunsila bilong Wod 17 long Erap Wain LIG, David Kaman, i tok dispela balus i bin mekim bikpela nois taim em i kam bek na laik i go long Nadzab tasol em i no inap. Ensin i stop long antap yet na em i pundaun nating i kam daun.

"Mipela i bin harim planti nois i bin kamap long dispela balus taim em i kam bek. Na i no long taim ensin i stop antap na em i kam pundaun

long maunten, smok i kirap na balus i paia," em i tok.

Ol manmeri long ples Gumbum i bin go long ples we balus i kapsait na helpim pilot i go long wanpela helikopta we i bin kam pundaun.

Dispela helikopta i bin kisim signel we Richard Leahy i bin salim taim em i bungim dispela hevi taim em i plai go bek long Nadzab.

Richard Leahy em i wanpela man tasol long ol Leahy famili husat i bin kam na wok long Papua Niugini na em wanpela lapun long sait bilong balus indastri insait long Morobe provins.

Em i stap long haus sik yet long Australia.

Pasin bilong bek kol kamapim wanbel

Paulus Tali i raitim

INSAIT long Hailans rijen i gat kain kain birua o hevi i stap olsem na wanpela rot em bilong kamapim wanbel o bel kol em i wanpela gutpela pasin.

Dispela i bin kamap tru long krismas de taim wanpela kar i bin kapsait na fopela man i bin kisim bagarap klostu long wara Kim we i lukim tripela man i dai na wanpela i stap yet long Hagen haus sik.

Ol lain i dai em ol bilong ples Keme na Kukulke klen. Long dispela taim nogut, tupela klen Kuli Noperpri na Kukulke klen i bin kamapim bel isi o wanbel pasin namel long ol yet long pinis bilong yia 2009 we i lukim moa long 1,500 manmeri i

kamap long kresa klostu long Whagi bris.

Long dispela taim Melpa Luteran bisop Revren Sanagke Dole i tok amamas i go long ol sios. Bikos long ol na pasin wanbel i stap na olgeta samting i kamap isi long nem bilong God.

Revren Dole i tok tenkyu long ol komyuniti lida na ol bisnis lain long Kuli na ol hauslain long kamapim gutpela sindaun na provins bai senes na gutpela sindaun bai kamap tu.

Dispela taim ol lain bilong Kuli Nuporpi klen na ol komyuniti i bungim sampela mani na tu 64 pik i go long Kukulke klen long mekim wanbel pasin mas stap na pasin birua i noken kamap.

Bikpela ren i bin pundaun tasol ol lain long Kuli Nuporpi

klen i no wari tumas long ren. Ol i laikim pasim bel kol i mas i kamap.

Bikpela tenkyu i go long kansela Samson Dupai, Jackson Wei, Benny Nisipai long gutpela wok bung na bel kol kamap we i bringim tupela klen wanbel na stap.

Bikpela sapot tu i kam long ol bisnisman olsem Joe Koim, Joe Kerowa na ol arapela bisnis bilong Kuli tu. Mista Koim i tok, "Mi amamas olsem kain bung kamapim bel kol na mi tok amamas long sios tru long God i givim bel isi na wanbel i stap.

"Mi bisnisman mi tok tenkyu long tupela klen i kamapim kain bung. Noken birua i go i kam, yumi wanpela famili na wanbel i mas i stap."

Femili dai wantaim long balus birua

I kam long pes 1

Papa bilong ol, Ponis Kindik i bin dai long 2004 yet, na ol i tingting long go na sanapim het ston o simen bilong matmat bilong em na tu stretim haus bilong ol long ples.

Dispela tingting na wok bilong ol i sot nating long namel.

Balus i bin stap namel long Nadzab ples balus na Bandoang taim sampela hevi kamap long balus na pilot i tanim long go bek long Nadzab.

Ol asples long we balus i pundaun i tok ol i harim na lukim

balus i go tanim na kam bek na i no long taim, ensin i stop na balus i pundaun.

Olgeta hap bilong balus i bruk na paia na tel bilong en tasol i sanap i stap taim ol wokman i kamap long kisim ol bodi.

Memba bilong Nawaeb, Timothy Bonga, i bin tok long Kundu 2 nius long Desemba 31 olsem krismas bilong em i bagarap na em i stap wantaim wari bilong wanem bikpela hevi kamap long ol pipel bilong em.

"Mi singaut long ol wok painim

aut i mas kamap hariap long save long wanem samting i kamapim dispela hevi," em i tok.

Ol manmeri long Gerehu stes 6 we dispela famili bin stap bipo i pilim bikpela wari tru taim ol i harim toksave.

Dispela em i namba tu bikpela hevi bilong balus pundaun i kamap long PNG long 2009.

Narapela i bin kamap long Kokoda long Ogas we 13-pela manmeri bilong PNG na ol arapela kantri tu i dai.

PAOLO TIENSTEN MATEAKU SAKETTE

NAU I GAT 12-PELA KRISMAS LONG 05th JANUARY, 2010.

Laikim yu planti planti na plis inap nau long susu tang. Yu bikman nau. B/Day hugs and kisses from the hauslain - Crane Street Erima & NCC.

"Keep walking in the light of our Lord!"

OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICE	QTY	SUBTOTAL
PNC Tok Pisin English Dictionary	9780195551129	K38.50		
				TOTAL K
				POST/FREIGHT K
				GRAND TOTAL K

Options for Payment:
 1) Direct deposit into Bank Account (Listed below)
 2) Mail Order (Bank Publishing Company Ltd, PO Box 1982, BIRBECK, ACD)
 3) Cash/PO/Debit Card (Office 12, Section 28, Alakawa, 15, Waigani Dr, NCD)

Account Name: Word Publishing Company Ltd
 Account Number: 100 000 5380
 Bank: Bank of South Pacific Ltd
 Branch: Commercial Centre
 Branch Code: 9951
 Sort Code: 02099000

FAX BACK TO: (675) 325 2579

Name (print): _____ Phone: _____
 Address (print): _____
 City: _____ Fax: _____
 Postal: _____ Signature: _____

Sinot i redi

Bustin Anzu i raitim

YABIM distrik bilong Evanjelikal Luteran Sios bilong Papua Niugini (ELC-PNG) i redim em yet long mekim dispela sinot namba 27 em wan-pela bikpela na nais-pela insait long histori bilong sios.

Sios Sekreteri Isaac Theo i tok dispela em namba tri taim bilong Yabim distrik long holim dispela sinot olsem na ol i redim olgeta samting gut tru. Insait long taim bilong sinot, ol bai lukluk long stretim gut konstitusen bilong sios na raitim gen.

"Ol pikinini Luteran yet i go pas long dispela na tu lukluk long polisi bilong sios long wok long hevi bilong HIV/AIDS long wok wantaim gavman na ol narapela stekoldas. "Insait long sinot bai mipela toktok long naraisen bilong sios bilong 2020," em i tokim Wantok Niuspepa long dispela wik Tunde.

Em i tok sios bai

kamap wantaim sampela polisi tu long lukluk long hevi bilong lo na oda, poisen long kaikai, trabel pait na bagarap bilong envairamen.

Theo, husat posisen bilong em olsem sekreteri tu bai go long ileksen i tok, envairenmentel hevi em let bisop Reveren Dokta Wesley Kigasung i bin toktok na raitim planti ripot i go long ol lain husat i go pas long em long daunim dispela hevi.

Long sait bilong sinot, sios i salim tupela sip bilong ol, MV Rita na Geyamsao i go long tupela sait bilong Morobe long kisim ol kaikai na pik bilong kukim long taim bilong sinot.

Wanpela sip i go olsem long Finschaffan na bai kisim ol kaikai i go long Lae taim narapela i stat long Morobe Patrol Pos na i go long Salamaua na bihain i go long Lae na kar bai kisim kaikai long Makam

veli i go daun.

Em ol dispela kaikai em ol i bin planim na redim long 12-pela mun i go pinis long ol ples long Finschaffan, Bukawa, Lae, Morobe Patrol Pos, Salamaua, Labu, G a b e n s i s , N a s u a p u m , Gabsongkec, Tararan na Kaiapit na redim kaikai bilong ol lain husait bai go long sinot.

Kaikai tu i kam long narapela hap ol ples olsem Wau, Aseki, Menyamy, Boana na ol narapela ples klostu na long ol Hailans provins.

Haus bilong slip em long Balob Tisa Koles, Martin Luther Semineri, Busu Sekenderi na Malahang Teknikal Hai Skul.

Klostu long wan tausen Kristen manmeri bilong Luteran sios insait long Papua Niugini an tu, ol narapela ples insait long kantri we sios i save mekim wok misin tu bai kam.

Ol ovasis Luteran

sios patna olsem mama sios long Germany, Australia, long Asia, West Irian (Indonesia) na Yunaited Stet bilong Amerika (USA) bai kam.

Dispela sinot bai lukluk long makim nupela het bisop, namba tu na sios sekreteri wantaim.

Olpela bisop, leit Reveren Dokta Wesley Kigasung, husat i mekim wok bisop long tripela taim i dai long las yia na dispela sia i stap nating na namba tu bisop Zau Rapa i ekting stap.

Namba 25 sinot long Wasu, insait long Ukata distrik bilong ELC-PNG, i bin makim Kigasung long narapela 4-pela yia long dispela bikpela bung.

Long pinis bilong neks wik, 1.2 milen Luteran bilip manmeri insait long Papua Niugini bai save long husat em nupela het bisop, namba tu na sios sekreteri.

Polye laik senisim Kandep

Andrew Molen i raitim

WANPELA samting Minista bilong Sivel eviesen na Woks, Don Polye i laik mekim em long senisim tingting na pasin bilong ol manmeri bilong em.

Em i tok taim i wok long senis na ol manmeri bilong Kandep i mas bihainim dispela a senis.

Mista Polye i kisim bek olpela wok bilong em olsem minista bilong Sivil Eviesen na Woks bihain long em i winim bek sit bilong em long Kandep open bai ileksen las yia.

Em i kamap long gavman haus long Tunde dispela wik long sainim ol pepa long ai bilong ekting Gavana Jenerel bilong PNG, Dokta Allan Marat.

"Mi gat planti bikpela wok we mi bin kamapim na i no pinisim yet bipo long dispela ol hevi kamap.

"Nau bai mi lukluk long ol gen tasol namba wan samting mi bai lukluk long en em long senisim na strongim sindaun bilong ol manmeri bilong Kandep na PNG tu," Mista Polye i tok.

Em i tok planti ol arapela manmeri insait long Enga provins i save kolim ol Kandep olsem ol "Kandepens" we i no gutpela.

"Dispela hap tok em i no gutpela, astingting bilong em long toktok bilong ol Enga em i min olsem ol i bagarap na daunim nem bilong



SENIS: Mista Polye i tok Kandep na PNG tu i mas senisim ol pasin na tingting bai kantri ken kamap gut bihain taim. POTO: Andrew Molen.

mipela tru," Mista Polye i tok.

Tasol Mista Polye i tok em i senisim dispela nem i go long "Kandepions" we i wankain olsem tok, sempion.

"Ol Kandep em ol gutpela manmeri nau mi laik senisim tingting na pasin bilong bai ol i ken lainim long stap wantaim olgeta senis we i wok long kamap long wol nau.

"Ples i wok long senis nau na yumi tu mas opim tingting bilong yumi na senis wantaim dispela," em i tok.

"Mi laik mekim ol i gat nupela manmeri wantaim nupela tingting na pasin tasol ol bai stap yet olsem ol manmeri bilong PNG na Melanesia," Mista Polye i tok.

Em i kamapim planti ol bikpela wok pinis tu long ilektoret bilong em na i tok dispela ol samting i soim wanem kain tingting em i gat long divelopim ples na ol manmeri bilong em.

'Wokabaut Wantaim, Insait long pasin bilong laikim'

Michael Novingu i raitim

EVANJELIKAL Luteran Sios long Papua Niugini (ELC-PNG) bai holim namba 27 Sinot o kibung bilong em we Yabim Distrik i lukautim.

Dispela bikpela kibung bai kamap long namba 10 i go 15 de bilong dispela mun long Martin Luther Semineri long Lae Morobe Provins.

Het tok bilong dispela Sinod em 'Wokabaut Wantaim, Insait long pasin bilong laikim'em i kam long buk bilong Efesas 5 - 1-2

long buk baibel. Siaman bilong Ogenaising komiti Titi Solomon, i tokim Wantok Niuspepa olsem dispela em i namba faiv (5) taim Yibam distrik i hostim Sinod, i save kam bihain long olgeta tupela kris-mas.

Mista Solomon i tok as tingting bilong dispela kibung i bilong paitim toktok long painim rot long mekim gutpela disisen long ronim wok bilong sios i go het long olgeta hap bilong Papua Niugini long kirapim gutpela sindaun long komyuniti bilong ol.

Mista Solomon i tok 17-pela distrik aninit long ELC -PNG wantaim moa long 50 deliget bai kamap long dispela Sinot o Kibung.

Long dispela Kibung ol bai makim nupela Bisop, nambatu Bisop, sios sekreteri na ol arapela lidaman long ronim wok bilong sios i go het, Mista Solomon i tok, Morobe Provinsel Gavman i givim mipela gutpela sapot wantaim K300,000,00 14-pela distrik long Yabim distrik bai givim K10,000,00 wanwan distrik kam long helpim Sinod.

Moa yet Lutaren memba long Palamen tu i givim mani ol samting long helpim Sinod i go het. Ol bisnis haus long Lae tu i givim mani na sapot long dispela kibung.

Mista Solomon i tok ol haus slip, kaikai, trenspot na arapela samting long lukautim ol deliget i kam redi pinis. Long wankain taim memba bilong Lae Bart Philemon i givim K10,000 long ogenaising komiti long helpim karimaut wok bilong Sinot i go het.

Distrik Edministreta Buds

Botike taim em i givim mani i tok sios mas wok bung wantaim gavman long kisim sevis i go long komuniti long kirapim gutpela sindaun bilong ol.

Mista Botike i tok Luteran sios i mekim bikpela wok long helpim manmeri long PNG long sait bilong spirit long kamap gutpela manmeri long sindaun bilong ol.

Praim Minista Se Michael Somare bai opinim dispela Sinod long Sande 10th Januери long Se Ignasuis Kilange Stadium long Lae.



WORKING ALL OVER PNG





BRUT - SLIP ON



**NUBUCK - 6" LACE UP
SUEDE LEATHER**



**EXPLORER - 8" LACE UP
BROWN KIP LEATHER**

BULLDOG BOOTS:

- Dual density Polyurethane rubber sole for extra comfort and increased wear
- Lightweight
- PORON inner soles for exceptional comfort
- Wide Steel Toe Caps
- Full Length Tongue
- Certified to AS/NZ 2210.3
- Oil & Heat Resistant Sole
- Padded Collars



BISHOP BROTHERS NATIONWIDE

everything

Manmeri mas redi long bungim salens: Somare



NOGUT DISISEN: Gavman yusim K120 milion long baim dispela jet bilong en taim manmeri i kisim taim nogut.

Lukluk long Gavman long dispela yia:

- SAPOS Somare gavman inap long winim Vot I Nogat Bilip long en sapos wanpela i kamap;
- YUSIM gut mani long PNG Likwuifaid Neteurel Ges projek.
- YUSIM gut K17 milion Distrik Sevises Improvmen Progrem (DSIP) mani. Sapos ol Memba i yusim na kamapim ol wok orait bai gat taim long Gavman inap yusim gut mani em bai kisim long LNG projek;
- SAPOS Gavman inap nomine-tim tripela (3) meri kendidet i go long Palamen;
- SAPOS Hela na Jiwaka Trensisinel Atoriti bai wok gut;
- SAPOS Long Tem Developmen Strateji o Visen 2010-2050 inap wok gut wantaim Midium Tem Developmen Strategi (MTDS- 5 yia plen);
- SAPOS Palamen i ken pinisim gut ol namba bilong de bilong kibung bilong en.

WOK bilong politiks long 2009 i bin gutpela na nogut wantaim.

Gutpela olsem ol wok bilong Gavman long strongim sait bilong mani bai gutpela.

Nogut olsem Palamen i no bin inap long holim ol kibung na pinisim ol de bilong kibung.

Dispela i lukim ol Memba i no bin inap long tokaut gut long hevi bilong ol manmeri long ilekoret bilong ol.

Moa yet dispela i mekim Gavman i no bin inap long kamapim na pinisim gut sampela ol tok.

Gavman i kamapim ol tok we i no lukluk long hevi bilong ol manmeri.

Praim Minista Gren Sif Se Michael Somare long 34 Independens Aniversari toktok bilong en i tok ol manmeri i mas go het yet long groim ikonomi long strongim sindaun bilong kantri.

"Ol i no ken larim kain kain tok-tok i paulim tingting bilong ol."

"Gavman i lukluk long developim tupela Likuifaid Neteurel Ges (LNG) projek we bai bringim bikpela developmen long sosait na ikonomi bilong kantri."

Em i tok em i no inap malolo inap em i lukim kain senis em i laikim long em i kamap long kantri.

"Mipela i mas kirap na sanap long bungim dispela ol salens wantaim gutpela tingting."

"Mipela mas redi long luksave olsem mipela i no ken stop long go het."

"Moa long dispela gavman bilong mi stat long sampela yia i go pinis i pait long givim luksave i go long ol papa bilong risoses long toktok bilong klaimet senis."

"Mipela olsem wanpela liklik o developim nesin we i kamap wantaim ol gutpela tingting i no putim han long kisim helpim long go wantaim ol nupela tingting bilong mipela."

"Em i tru olsem mipela i kam long longpela rot pinis na mipela mas redi long go het yet," Se Michael i tok.

Tasol sapos kantri i laik go het yet, em i mas muv long stretpela rot long mekim bisnis insait long dispela kantri.

Sampela ol bikpela disisen Gavman i mekim long 2009:

- TOK orait bilong kamap bilong Hela na Jiwaka Provins;
- TOK orait bilong kamap bilong PNG Likwuifaid Neteurel Ges (LNG) projek;
- KAMAP bilong Long Tem Developmen Strateji (Visen 2010-2050) pepa;

Long Visen 2010-2050 pepa Se Michael i tok taim 2050 I kam Papua Niugini i mas stap smat, gat save, gat gutpela sindaun, stap helti na amamas.

Em i tok PNG i mas stap long namba wan 50 ples insait long 148 kantri long wol.

Se Michael i mekim dispela tok-

tok long taim Gavman i lonsim dispela plen long Se John Guise Stedum, Mosbi long Trinde 18 Novemba, 2009.

"Mipela bai stap long namba wan 50 kantri long Yunaited Nesen Developmen Indeks long 2050."

"Dispela i min mipela inap kamapim ol samting we i givim sans long ol wokman na nesanel edvesmen wantaim wok bilong ikonomik gro, gat save bilong wokim ol samting, gat na kisim ol gutpela sevis na lukim olsem olgeta samting i kamap stret na we nogat wanpela manmeri i sot long ol samting na olsem olgeta manmeri i amamas long stap bilong ol," Se Michael i tok.

Gavman bai yusim 7-pela rot long kamapim dispela plen:

- HUMEN kapitel Developmen, Jenda, Yut na Pipel Empawamen;
- WELT Kriesen;
- INSTITUSINEL Developmen na Sevis Deliveri;
- SEKYURITI and Intanesenel Rilesens;
- ENVIRONMENTEL Sastenibiliti na Klaimet Senis;
- SPIRITUEL, Kulturel na Komyuniti Developmen na
- STRATEJIK Plening, Integresin na Kontrol.

Wantaim dispela ol rot Gavman i laik:

- SENISIM na strongim tingting bilong ol manmeri olsem ol i tingting gut;
- MANMERI i gat gutpela na strongpela tingting bilong wok politik;
- MANMERI inap long menesim na lukautim gut ol samting;
- WOK manmeri i givim gutpela sevis long ol pipel;
- OL manmeri i sindaun gut olsem nogat hevi bilong lo na oda;

● OL manmeri i gat gutpela tingting na pasin na

● MANMERI inap long luksave long save na strong ol i gat long en na i no askim tumas long kisim helpim long ol i mekim ol samting.

Palamen bai bung gen long Tunde 2 Mas, 2010.

Tasol Oposisen i tok Gavman i no givim inap taim long stretim ol bikpela tok long 2009 bipo long yia i pinis na olsem long 2010 em i mas stretim dispela ol hevi.

Ol hevi Oposisen i tok em:

- PRAIM Minista (PM) yet i save brukim ol lo. Wanpela piksa em Difens Bod bilong Inkwairi;
- I BAIM K120 milion Falcon Jet bilong en taim manmeri i kisim taim nogut;
- I NO givim oda long bihainim rekomendesen bilong Fainens Inkwairi;
- PM i pasim wok bilong Ombudsmen Komisen bihain long Komisen i askim em long em i mas givim ripot bilong mani em i yusim long wan wan ol yia i go pinis;
- EM i no kamapim wok painim long hevi bilong mani i pas wantaim sampela ol opisa na

Memba bilong Taiwan Gavman;

● I NO kamapim wok painim long hevi i pas long mani long wok bilong timba long Singapo;

● I NO bihainim ol askim bilong Pablik Akauns Komiti bihainim long ol wok painim bilong komiti;

● I NO mekim wok painim i go insait long ol akaun long Helt, Edukesen na Agrikalsa;

● I LARIM pasin bilong suvim man long bihainim laik bilong narapela i kamap long taim Gavman i sainim Benefit Searing Agrimen (BSA) wantaim ol developa na papagraun long wok bilong ges;

● I NO soim rispek bilong em long Palamen taim em i no save kamap long ol kibung;

● I GIAMAN long tok em i no save olsem em i gat ol sea holda long Pasifik Rejistri bilong ol Sip komiti na long ol wok bod i mekim na

● PM i nogat tingting long lukautim ol manmeri. Em i go pas long wanpela gavman i pulap long ol pasin nogut.

Ol samting we bai kamap long dispela yia:

- KAM bilong Indonesia presiden, Susilo Bambang Yudhoyono long Februari, 2010;
 - PNG bai skruim yet wokbung wantaim ol poroman kantri na
 - KAMAP long ol kibung bilong- UN, APEC, ACP, ASEAN, Australia/PNG Ministariel Forum, SPC forum, MSG.
- Ol samting we i kamap long 2009:
- KANTRI Se Michael Somare i go bungim ol- Australia, Saina, Filipins, Siapan;
 - GRUP/Oganaisesen Se Michael i bungim- PNG/Australia Ministeriel Forum, Yunaited Nesen, Esia Pasifik Yuropien Komyuniti (APEC), Afrika Karebien na Pasifik (ACP), Asosiesen ov Saut Is Esien Nesens (ASEAN), Saut Pasifik Forum (SPC), Melanesian Spearhead Grup (MSG).

Gutpela niu yia long Momase

Bustin Anzu i raitim

MOMASE rijen i lukim gutpela nupela yia 2010, i no olsem bipo we ol i save gat planti hevi, nois na planti dai i save kamap long olgeta hap.

I no gat pairap bilong kapa, nogat rabis namel long rot long big taun na siti, nogat taia bilong kar namel long rot na tu, spakman meri i go hait.

Dispela i soim olsem ol manmeri i save long mining bilong amamas long krismas na nupela yia. Komyuniti i luksave long dispela na stap long we long stap insait long trabel. Tasol i gat sampela liklik hevi na nois i bin kamap long ol dispela taim bilong amamas.

Polis i bin lukim olsem ol dispela em liklik samting tumas.

Polis long Is Sepik i ripot olsem wanpela yangpela man long ples Kairuku i bin dai long nupela yia

bihain long ol wantok bilong em i kilim em taim ol i dring hom bru. Polis i holim dispela trabel man na lokim em pinis long sel na mekim wok painim aut i go het.

Ekting Provinsel Polis Komanda Inspekta Charles Parano i tok dispela hevi i kamap taim ol yangpela man ol yet i dring hom bru na kirapim pait na i dai.

Em i tok tu olsem polis i bin holim 3-pela stilman long dispela krismas na Niu yia oporesen bilong ol.

Tupela i save raun hait taim ol polis i laik holim long planti ol trabel insait long Wewak na narapela em long sakim beil bilong nesinol kot long wanpela reip sas.

Olgeta i stap long polis sel taim polis i mekim wok painim aut long narapela tupela husait i hait i stap.

Long Madang, polis i ripot olsem 25 pela kalabus man husait i bin stap long Yomba polis stesin sel i

ronowe bihain long holim pasim tripela polis man husait i laik givim kaikai long ol long Sande.

Ol dispela kalabus man, em Provinsel Polis Komanda Sif Inspekta Anthony Wagambie Jr i tok ol polis i bin holim long taim bilong ol oporesen bilong ol long nupela yia long pait, stil, spak na ol narapela liklik trabel na narapela tupela em long kilim man idai. Narapela 33 i bin stap yet long sel na ol ino ronowe.

Long Lae siti, planti ol manmeri insait long siti i amamas long wanem, ino gat planti hevi olsem pastaim. I nogat planti hevi olsem bipo we save igat pipia dram long rot, kapa i pairap, spakman i mekim planti nois na kapsaitim rabis dram long rot.

Dispela em long wanem, polis i bin mekim planti aweanes long ol pipol bilong siti long noken wokim ol dispela pasin long taim bilong

amamasim nupela yia.

Lae Polis bos Sif Superintenden Nema Mondiai i tok em i amamas long ol pipel bilong siti long luksave long dispela nupela yia we ol manmeri i stap isi tasol.

Long Morobe provins, i gat wanpela idai long Bulolo bihain long ol i dring bia long amamasim nupela yia. Dispela em kamap bihain long ol i bin tambuim ol manmeri bilong Bulolo, Wau, Garaina, Watut, Aseki na Menyamyia long salim na dring bia.

Memba bilong Bulolo Sam Basil na ol mama grup ino amamas long dispela kain pasin na tok long stopim bia long dispela hap longpela taim tumas.

Provinsel Polis Komanda Superintenden Peter Guinness i tok em i sapatim tingting bilong memba bilong Bulolo long stopim bia long dispela hap eria. Ol i save dring bia na mekim planti trabel na

sindaun long ples i no save stap gut.

Em i tok em i toksave long ol polisman meri long ol dispela hap long sekim ol kar nogut ol i karim bia na i go salim na dring long dispela hap. Olgeta spak man i gat sans long wokim ol bikpela trabel.

"Polis bai sekim olgeta kar i go long ol dispela ples na tu, holim pasim ol man husait i wokim hombru na dring long dispela hap.

"Ol spakman i gat sans long repim meri, kilim narapela, pait wantaim narapela na tu, kamapim ol narapela hevi insait long ples. I nogat wanpela i save abrusim ol kain hevi olsem na ol mas stopim long kamap," em i tokim Wantok.

Long wankain taim tu, Asisten Komisina bilong Polis (ACP) na bos bilong polis long Momase Giossi Labi i tok tenkyu long ol manmeri bilong dispela rijen long respektim dispela de.

Marasin kampani opim opis long Hagen

Paulus Tali I raitim

WANPELA nupela kampani i salim ol marasin i kirapim opis bilong em nau long Hagen taun, Westen Hailans provins.

Meridian Laip Intenesenel em i nem bilong dispela nupela marasin kampani i wok long salim ol marasin i go long ol haus sik long provins.

Wanpela man Hagen yet, Alphonse Paua, i go pas long lukautim dispela han bilong Meridian Laip Intenesenel.

Mista Paua husat i wanpela sinia tisa long Tarangau Pramerik skul long Hagen, i bin wok hat long kirapim opis long hap. Na tu, em i yusim samting olsem K30,000 long kirapim



NUPELA MARASIN KAMPANI: Ol wok manmeri bilong Meridien Laip Intenesenel hia. *Poto: Paulus Tali*

opis long Hagen taun yet.

Long wankain taim tu, wanpela saveman bilong Taiwan, Profesa Wang Shun Te i wok wantaim Meridien Laip Intenesenel long Hagen i givim gutpela helpim long ol sik manmeri na pikinini.

Dispela salim marasin kampani i stap long Hagen long 4-pela

mun nau. Narapela han bilong kampani bai op long Kundiawa long dispela mun na narapela long Wabag insait long Sauten Hailans long mun i kam.

Long Hagen, Meridien laip Intenesenel i wok long salim ol marasin bilong pinisim ol sik olsem kensa, TB, Hai Blut

presa, Sik suga, Presa

na man i pundaun nat- ing na ol kain kain sik moa.

Profesa Wang Shun Te i bin mekim ol marasin ya bihain long 30 yia rises wok bilong em. Sapos yu laik save moa long nupela marasin kampani long Hagen, yu ken ringim ol long telipon namba 714412485 o wailles fon namba 5420659.

"Yu lukim mi taim mama i no karim mi yet".

Mi no kamap yet long graun, tasol yu raitim pinis long buk bilong yu

olgeta de yu laik bai mi stap long graun." (Song 139:16)

OLPELA yia, 2009, i go pinis na yumi stap nau long nupela yia, 2010. Wanem mining bilong ol dispela namba? Ol i kaunim ol yia stat long taim Jisas i kam long graun i go inap nau. I olsem. Maria i karim Jisas, Pikinini bilong God 2010 yia i go pinis. I kliia nau? Taim em i samting bilong God. God i kirapim namba wan de long taim em i kirapim laip long graun. God i makim taim bilong san na mun na olgeta yia i go inap long nau na long ol taim bai kamap bihaintaim tu. Olsem na, yumi man mas rispektim laip na taim bilong laip bilong olgeta samting God i wokim hia long graun na long olgeta samting i stap ausait long banis bilong graun - yumi kolim universe.

Laip na taim yumi stap laip em i bikpela samting tru. No ken bagarapim o spoilim laip bilong narapela man o bilong yu yet. I gat mandato bilong God i tok strong long yu no ken bagarapim laip o sindaun bilong narapela. Tasol dispela samting i save kamap na i bikpela rong. Na tu planti manmeri i save bagarapim laip bilong ol long spak pasin o kaikai kranki o pamuk



nabaut na kisim kain kain sik.

Bikpela wari bilong mi em HIV/AIDS na i kliia, long 2009, namba bilong ol manmeri i kisim HIV, nupela, i go antap. Ol tok save na "awareness" program i no wok. Yangpela, bikmanmeri na ol lapun tu i save raun na pamuk nabaut na planti i kisim HIV. I luk olsem, ol i no harim tok na ol i no save pret long kisim sik i save bagarapim laip bilong ol na salim ol i go long matmat hariap. Taim em samting bilong laip. Yu kisim HIV, em i olsem, yu katim sot taim bilong laip bilong yu hia long graun.

Yu HIV pinis, yu no ken givim dispela sik long narapela man. Yu givim dispela sik long narapela man, bai yu bagarapim laip bilong em. Na em bikpela rong tru na bihain bai yu gat kot long dispela long Lo bilong kantri na long pes bilong God tu!

Yu no gat HIV - moabeta yu stap olsem. No ken raun olsem wanpela wel dok i ting long amamasim skin bilong em tasol na i lusim ting long laip God i givim long em. God i makim taim bilong laip bilong yumi wanwan. No ken sotim laip!

Laip em i samting i swit tumas. No ken spoilim! Hepi Nu Yia!



TELIKOM PUBLIC NOTICE

THE PUBLIC IS ADVISED OF THE NEW NUMBERING CHANGES ON OUR TELEPHONE NETWORK.

EXISTING AND NEW NUMBERS WILL BE CONCURRENTLY USED UNTIL 1ST MARCH, 2010

NUMBERING AREA / SERVICE	EXISTING / CURRENT NUMBERS	NEW NUMBERS
IDD ACCESSS	"05"	"00"
DOMSAT CUSTOMERS	640 XXXX	278 XXXX
SOUTHERN REGION		
ORO (POPONDETTA)	329 XXXX & 319 XXXX	629 XXXX
TABUBIL & KIUNGA	548 XXXX	649 XXXX
HIGHLANDS REGION (EHP)*		
EASTERN HIGHLANDS	7XX XXXX	5XX XXXX
ISLANDS REGION		
MANUS	4XX XXXX	9XX XXXX
MOMASE REGION		
MADANG	852 XXXX	422 XXXX
	853 XXXX	423 XXXX
	854 XXXX	424 XXXX
WEWAK (ESP)	850 XXXX	450 XXXX
	856 XXXX	456 XXXX
	858 XXXX	458 XXXX
SANDAUN (WSP)	857 XXXX	457 XXXX
	859 XXXX	459 XXXX

IDD access code '05' will be replaced with '00' Only the first 1, 2 or 3 leading digits will change and the rest of the digits will remain the same. For example in Tabubil/ Kiunga, a customer with current telephone number 548 1234, will now become 649 1234

*Existing Code will not be concurrently used after the 31st December, 2009

For more Information contact 323 4444

Luteran Ogelberg Seminari i kisim 15 nupela meri sumatin ...Sku fi i stap wankain

Paulus Tali i raitim

FIFTIN (15) nupela meri i stap namel long 26 ol nupela sumatin man husat bai go insait long Luteran Hailans Seminari skul long Ogelberg, Westen Hailans, long dispela yia.

Ol sumatin i kam long ol Luteran Sios distrik olsem Karkar, NGI, Jiwaka, Hagen, Ukata, Kate, Imanuel, Simbu, Mumeng na Boana.

Skul bai op namel long Februari 5-7, 2010 na olgeta sumatin i mas stap long taim skul i stat long Februari 8. Rejistresen na orientesen bai pinis long Februari 12.

Prinsipel bilong skul, Reveren Charley Pora Werek, i tokaut long ol dispela samting.

Em i tok ol skul fi long seminari long dispela yia i stap wankain olsem long las yia. Manimak bilong skul fi long dispela yia i stap olsem: Singel i mas peim K710 na Marit em K760.

Reveren i askim strong ol sumatin long peim ful skul fi i go long dispela akaun- Lutheran Highlands Seminary, Ogelberg, BSP Mt Hagen. Account No-1000873945. Na ol i mas peim kesmani na bihain, karim risit i kam long rejistra.

Reveren Werek i tok olsem long olgeta yia, ol nupela sumatin i mas lusim ol famili bilong ol na

kam olsem ol singel sumatin.

Ol sumatin i ma kam long skul wantaim ol naip samtign bilong wok long gaden na brukim pa-iawut tu, ol samting bilong yusim long slip long en, ol samting bilong kuk na kukim kaikai long ol, Buk Baibel, ol lotu buk, ol pen, pensil na ol arapela skul ste-seneri, ol klos bilong putim olgeta de long skul, ol dispela bilong lotu na wok.

Long sait bilong makim nupela het bisop bilong Luteran Sios long PNG, Reveren Werek i tok ol man o noken kempein long lida tasol God yet i makim pinis husat bai kamap neks lida bilong Luteran Sios insait long PNG.

Painim rot long stretim malolo balus tiket bilong ol tisa

WANPELA hevi planti tisa long kantri i save bungim taim skul i pinis olgeta yia em long balus tiket bilong ol.

Dispela ol balus tiket em wan wan provinsel gavman i mas givim ol long baim rot bilong ol na famili i go bek long ples na kisim malolo long 6-pela wik inap nupela skul yia i stat long pinis bilong mun Januari olgeta yia.

Planti taim, yumi save lukim ripot long sampela tisa long ol skul insait long kantri i stap longwe long taun husat i wet longpela taim na sampela taim, ol i no save kisim ol balus tiket bilong ol.

Planti stil pasin na paulim ol tiket na tiket mani bilong ol tisa olgeta yia, tasol i nogat gutpela rot yet ol atoriti i kamapim long daunim dispela hevi olgeta.

Bipo long krismas, yumi bin lukim long nius sampela tisa insait long Sentrel provins i no kisim yet ol balus tiket bilong ol. Na ol i bin go long opis bilong

Sentrel Provinsel etministreta wantaim ol wari bilong ol long ol atoriti i stretim.

Long dispela wik gen taim yumi kalap pinis i go long nupela yia, hevi na wari i kamap yet long balus tiket bilong ol tisa. Dispela taim em long Oro Provins.

Ol ripot i tok moa long 140 tisa i wet yet long ol malolo balus tiket fea bilong ol long dispela yia.

Na manimak long ol balus tiket malolo fea em long K800,000 we ol ripot i tok dispela manimak provinsel baset i bin katim long malolo balus tiket fea bilong ol tisa em provinsel gavman long Oro i yusim krangi.

Tasol long ripot, etministreta bilong Oro i tok ol i stretim pinis dispela wari wantaim humen risos dipatmen na provinsel etministreta.

Edukesen Dipatmen na ol provinsel gavman i mas kamapim rot long stretim olgeta dispela hevi long balus tiket bilong ol tisa.

Sentrel skul tisa i no amamas long skul ol i makim ol long wok


SAMPELA skul tisa long Sentrel provins i laikim bai i mas gat tisa i makim maus bilong ol long Sentrel Provinsel Edukesen Bot we ol i save makim na putim ol tisa long ol skul ol i wok long ol.

Ol i no amamas long wanem planti bilong ol em ol i putim ol long ol skul we ol i no aplai long en.

Man i makim ol tisa long PNG Tisas Asosiesen, Joe Kua i tok ol tisa i nogat man i makim ol long Provinsel edukesen Bot na olsem, planti bilong ol em ol i no putim ol long ol skul ol i aplai long em. Na olsem, ol i no amamas.

Nupela posting lis bilong ol tisa long Sentrel provins i stap nau ausait long Sentrel Provinsel et-ministrsen opis long Konedobu nau.

Narapela wari Mista Kua i autim long em na ol i laikim bai PNG Tisas Asosiesen i stretim em long planti yia, sampela tisa i save holim wok olsem ekting tasol taim bot i wokim seleksen, em i save abrusim ol na putim narapela man.



GUTPELA MALOLO: Tripela skul pikinini mangi bilong Sohano Praimeri skul long Buka i malolo gut tru na raun long nambis i stap.

12-pela Westen provins sumatin winim skolasip ...ol bai soim rot long ol narapela

TAIM ol skul sumatin long PNG i stap yet long krismas skul malolo, 12-pela sumatin bilong tripela sekonderi skul long Westen provins i lusim PNG long dispela wik i go long Melbon, Australia na i statim skul bilong ol pinis.

Dispela 12-pela sumatin em ol i glasim, skelim na kisim ol long Awaba, Daru na Kiunga Sekonderi skul.

Ol i skul long Melbon Institut bilong teknoloji long Viktoria, Australia. Skolasip em ol i winim em PNG Sastenebol Dovelopmen Progrem (PNGSDP) i ofaim o givim i go aut long en.

Skul bilongf ol bai i stat long neks wik Mande long redim ol long skul tru bilong ol long neks yia long wanem sabjek ol i laikim.

Progrem opisa bilong PNGSDP, Camillus Midire i tok ol i bin statim dispela

skolasip program long 2008 bihain long bot bilong PNGSDP i luksave olsem bikpela samting long pipel i kisim gutpela edukesen olsem hap bilong PNGSDP long Ok Tedi Projek eria.

"Divelopim humen risos em i hap long lukautim gut ol risos na PNGSDP i laikim lukim olsem ol dispela risos long PNG em ol i lukautim gut na skruim wok i stap," Mista Midire i tok.

Mista Miride i tok bot i laikim bai ol dispela sumatin i lainim ol samting long sait bilong akademik na teknikel eria na kisim i go bek Westen provins bilong helpim ol wok go het we bai kamapim delvelopmen.

Em i tok sapos ol dispela paionia sumatin i wokim gut, bai ol i sponsaim na salim moa sumatin i go aut long wankain skolasip.

Painimaut, save na kisim tritmen eli i min yu bai stap laip longpela taim moa. Kisim HIV TRITMEN eli!

Go long VCT na Helt Senta klostu long yu long kisim moa toksave.

Nesenel AIDS Kaunsil Sekreteriet, PO Box 1345, Boroko, NCD Telepon 323 6161 Feks 323 1619



Ol Pater bilong PNG na Solomon Ailan i stap long ritrit

Veronica Hatutasi i raitim



WELKAM: Sekreteri bilong Konpres bilong ol Katolik Bisop, Pater Rolando Santos, i tok welkam long Monsignor Peter Jeffrey long Holi Spirit Seminari, Bomana.

KLOSTU 70 Katolik pater bilong PNG na Solomon Ailan i stap nau insait long wanpela wik ritrit bilong ol long Holi Spirit Seminari Kolis, Bomana ausait tasol long Mosbi siti.

Ol dispela pater i kam long 19 Katolik daiosis insait long PNG na tripela long Solomon Ailan.

Tripela Katolik Daiosis long Solomon Ailan em long Honiara, Auki na Gizo.

Katolik Bisops Konpres (CBC) i go pas long ol wok bilong kamapim dispela namba wan kain nesanel ritrit bilong i bin stat long dispela Mande na bai pinis long dispela Sarere.

Ritrit em i taim bilong pasim maus, stap isi na tingting long ol samting i kamap long laip na wok bilong wan wan man. Na em i taim long glasim man yet na wok na laip bilong em, rot we em i go long em, stretim ol samting we em i no mekim gut na tu, lukluk long ol wok na ol samting na wokabout long bihain taim.

Dispela ritrit i kamap long go wantaim luksave hetman bilong Katolik Sios long wol, Pop Benedict 16 i makim o long sios kalenda lsem stat long Jun 2009 inap long Jun 2010 em i Yia bilong ol Katolik Pater.

Bisop Rochus Tatamai i

wanpela mausman bilong dispela ritrit i tok dispela em i namba wan taim kain ritrit long nesanel level i pulim ol pater long kantri na Solomon Ailan i kam bung wantaim long glasim laip na wok bilong ol, pre wantaim na bungim wanpela narapela na senisim ol tingting long ol wok bilong ol.

“CBC i bin kamapim tingting long wokim samting bilong bungim ol pater long PNG na Solomon Ailan wantaim bikos em i yia bilong ol pater. Pop i makim yia bilong ol pater (Jun 2009 inap long Jun 2010) bilong selebretim 150 yia bilong Santu John M Vianney, em was santu bilong ol pater.

“Ol pater bai kisim wanpela wik long lukluk bek na glasim laip na wok bilong ol na skruim wok long bihain taim bilong ol. Mipela i ama-

mas long gutpela ansa na planti pater i kam. Ol bisop i makim tupela pater insait long wanpela daiosis long kam long dispela ritrit. Ritrit em i gutpela taim tu long ol pater i bungim gen ol wanskul bilong ol bihain long planti yia. Sampela i holim bikipela lidasip wok, pastoral wok na ol arapela sios wok we ol i bung na stori na senisim tingting wantaim,” Bisop Rochus i tok.

Bihain long ritrit, ol pater bai kamapim wanpela stemen o ripot long ol bikipela samting ol i toktok long em, na tu, ol bikipela wari ol i gat long wok bilong ol bilong givim i go long ol bisop.

Ritrit masta o man i go pas long givim ritrit long ol pater em Monsignor Peter Jeffrey bilong daiosis bilong Sandhurst, Maitlan long Victoria, Australia.

Monsignor Jeffrey i stap

olsem wanpela daiosisen pater long 47 krismas. Em i wok planti yia long seminari fomesen long Victoria, Tasmania na Fiji. Na em i gat ekspiriens long givim ritrit long ol pater long Australia bikos em i mekim dispela wok long planti yia nau.

Long toktok bilong em i go long ol pater taim em i go kamap long Bomana long Mande, em i tokim ol long glasim tupela samting. Em long wanem samting i wok long kamap long ministri bilong ol na wanem samting ol i laikim long laip. Na wanem bikipela samting ol i laik mekim na daireksen o stiarot ol i bihainim.

Em bin tokim ol pater olsem wok pater em i presen bilong God i go long ol pipel bilong dispela graun.

Em i tokim ol pater tu olsem wok “pater em i singaut na em i no olsem ol wok we man i gat long em. Em i wanpela i glasim em yet na i no nupela ministri. Em i wanpela we long laip na i no wanpela wok nating, tasol em i samting we wanpela i kisim na wok i stap long em long laip.”

Long pinis bilong ritrit long Sarere, bai gat program long pilai, ol singsing tumbuna na sans long ol Katolik manmeri long Mosbi long go long Bomana seminari na lukim ol pater long ol wan wan daiosis bilong ol.



Pret long God

SAMPELA mun i go pinis, mi bin go lukim wanpela lapun man i gat 81 krismas long haus bilong em. Skin bilong em i slek pinis long wokabout i kam long haus lotu.

Taim mi kamap, mi kirap nogut liklik bikos em i lapun tru, sik na i nogat strong moa. Wanpela samting i mekim mi sori long em moa moa yet, taim mi lukim ples em i slip long en. Em i no gutpela ples tru. Em i slip aninit long haus bilong em yet na narapela lain i slip antap long haus i gat gutpela rum bilong en.

Bipo long mekim konpesio, mitupela i stori nabaut. Em i tokim mi long yangpela bilong em we em i bin wanpela gavman opisa. Em i bin bosim opis long planti provins. Nau em i ritaia na kamap lapun pinis.

Em i gat planti pikinini, na i gat wanpela tasol i bin kisim gutpela skul na kamap tisa. Narapela 9 – pela i stap nating tasol. Taim mi harim olsem – mi bin askim mi yet; na olgeta pe bilong em taim em i kamap opisa i go we, olsem na em i no inap sapotim pikinini long kisim gutpela edukesen.

Em i wanpela siknes long komunity bilong yumi yet. Yumi i no save sevim mani o yusim mani gut. Planti taim potnait bilong yumi i save pinis long wanpela de tasol, na yumi no wari long laip bilong pikinini bilong bihain taim.

Planti wantok i save bung bung long haus taim yumi kisim potnait, na mani bai pinis wantu tasol. Nogat tinting long sevim bilong skul fi o baim haus sik o long laip bilong bihain. Planti bilong yumi i kisim gutpela edukesen – tasol yumi i no save yusim gut mani o pe bilong yumi. Em i wanpela komplem em yet (lapun man) i bin serim wantaim mi. Yumi save wari long narapela tasol yumi lusim tingting long laip bilong yumi, laip bilong pikinini bilong bihain taim.

Ating toktok bilong dispela lapun man i tru. Inap long tude, planti bilong yumi i save long yusim mani long ol kain kain samting i no trupela nid bilong famili o pikinini. Sapos yumi gutpela papa mama, o yumi i no marit yet tasol i gat wok na kisim pe, noken lusim tinting long putim sampela mani o sevim sampela mani bilong laip bilong yumi bihain.

Skelim gut hamas yumi yusim tude o dispela wik na sampela mas sevim. Sapos yumi wokim olsem, sapos 10 pesen long pe bilong yumi, yumi sevim long laip bihain, hamas mani yumi bungim long wanpela yia?

Wanpela samting lapun man i bin serim wantaim mi em i Pret long God. Em i tokim mi olsem – nau em i kamap lapun na skin bilong em i kamap sleek olgeta de. Em i pret nogut God bai kisim laip bilong em klostu nau. Olsem na em i askim mi kam lukim em, bai em i ken wokim konpesio bilong em na kisim santu komunio.

Mi bin lukim pes bilong em i senis bihain long em i mekim konpesio bilong em. Em i tok – mi gat pret long God, i no min, - mi no laik stap klostu long em. Nogat. Mi pret long em, mak olsem mi rispektim em, na mi laik stap klostu wantaim em.

Sapos mi no laik stap klostu wantaim em (God) long taim mi dai pinis. Nogat. Mi laik stap klostu wantaim em taim mi stap laip yet long dispela graun. Em i bai helpim mi long kamap gutpela pren wantaim em taim mi dai na go lukim em.

Olsem na bihain long wokim konpesio bilong em, em i amamas tru, bikos em i pilim fri na klin stret long ai bilong God.

Nem Holilen i kamap olsem wanem?

I gat planti kain nem ol pipel i bin go na kam sindaun long dispela ples i givim long en, tasol wanpela i sanap long ples klia. Em long HOLILEN. Dispelas nem i kamap long buk bilong Zakaraia na mining bilong dispela nem i no sut long histri na politiks. Tasol em inapim ol samting i stap long Olpela na Nupela Testamen na tu bihain, i stap long histri bilong lotu Islam. Ol i sut long wanpela rilijes samting i bungim olgeta lotu i kam wantaim long tude, ol i kolim long Histri bilong Salvesen. Olsem na nem Holilen em

mi ples bilong olgeta pipelwe ol man i bung long save na kisim ol samting we spirit bilong man i ting em bai painim long hap. Dispela yunivesel bung i save kamap long Holilen em ol i luksave pinis long en long Olpela Testamen buk bilong Isaia. Ol bikipela taun tu long Holilen em ol i no givim ol nem bikos long sait bilong politik o histri, nogat. Nem bilong Jeriko taun i bihainim wanpela kalt bilong mun. Betlehem pastaim ol i kolim long tempel o haus lotu bilong god bilong wo/pait bihain i kamap olsem “Haus bilong



Kaikai. Jerusalem i min olsem “siti bilong pis/wanbel” o visen o driman long pis. Olsem em nem Holilen em inapim olgeta ol samting na em i gutpela nem bilong dispela ples.

REDI LONG SELEBRETIM KRISMAS: Apinun long nait bipo long Krismas long Betlehem olgeta yia i luk olsem bilong redi long selebretim krismas lotu. Foto: The Holyland Buk.

■ Moa long neks wik.

Wok patna namel long ol meri na man bai kamapim divelopmen

Veronica Hatutasi i raitim

OL meri i ken wok patna wantaim ol man na kisim ol lidasip posisen long helpim kamapim ol wok divelopmen insait long kantri.

Judy Ponduk, wanpela meri lida long Seven de Ewentis edukesen sekta na meri i go pas long ministri bilong ol meri long hetkwota bilong ol long Lae, i tok.

Judy i bin stap insait long wanpela nesanel edukesen na ol sios patna kibung bilong ol long Mosbi i no long taim i go pinis.

Em i bin wanpela hai na sekonderi skul tisa long planti yia i go pinis, tasol nau em lusim dispela wok na go wok wantaim SDA sios edukesen ministri olsem SDA Wimens Ministri Dairekta.

Judy i bilip olsem ol

meri i gat save na laik long woktasol bikos long pasin kastom bilong yumi we ol man i bos, ol meri i save surik i go baksait. Tasol long wok bilong em, Judy i save givim gutpela tok tok long ol meri bilong strongim ol yet na skruim wok long wanem eria ol i stap long em olsem sios, edukesen na ol arapela eria moa ol i wok long en.

"Long pasin kastom bilong PNG, sosaiti i no givim gutpela luksave i go long ol meri. Tasol mi save toktok strong long ol olsem ol i gat save bilong wok wantaim ol man long kamapim ol wok divelopmen long komyuniti, sios na kantri. Mi save ranim ol lidasip trening kos bilong ol meri long ol level i stat long 1, 2, 3 na 4. Ol samting ol meri i lainim long trening kos i helpim ol bilong luksave long ples bilong ol

long sios. Samting olsem 75 pe sen long kongrigesen bilong sios em ol meri. Olsem na sios i no lusim tingting long ol na i mas ranim ol trening kos bilong helpim ol," Judy i tok.

Em i tok i gat literesi trening tu i helpim ol meri i no save long rit na rait na ol i ken helpim long kamapim gutpela samting long laip bilong ol yet, famili na sosaiti.

"Taim yu skulim meri, yu skulim famili, sosaiti na kantri," Judy i tok.

Wok bilong Judy i kisim em i go long planti hap bilong PNG long lukim ol program i wok gut na long ovasis olsem Australia we i gat netwok i stap. Long PNG yet, i gat 10-pela lokol misin na wan wan bilong ol i gat Wimens Ministri dairekta bilong ol. Na Judy em i bos bilong olgeta dispela.



OL MERI I KEN: Wanpela meri na narapela em mama i no isi long paitim gita na singsing. Tupela yangpela mangi i givim sapot. Dispela i soim olsem tude ol meri i wok long sanap strong long wok long sait wantaim ol man. *Fail Poto*

Raun Lukim ol Meri na Pikinini

Selebretim Nu Yia long ples Barakau, Sentrel provins...



REDI GUT. Ol pikinini na ol mama i redi long selebretim Nu Yia.



AIYO MAMA MIA! Selebretim Nu Yia Barakau Stail, olsem dispela mama i soim.



OL GELS YET! Mipela i redi pinis long lukim nupela yia.



AMAMAS KILIM MIPELA! Husat bai stopim mipela.

Sotpela Tok Skul

Skruim toktok long Marie Stopes long PNG na Helt bilong yu

Famili Plening na ol Seksuel Riprodaktiv Helt Sevis

Ol helt woka i gat trening na kwalifikesen i lukautim Marie Stopes PNG (MSPNG) long Mosbi na Isten Hailans.

Long tupela senta wantaim, ol woklain i kari-maut ol autris wok i go aut long ol sabeb na ol komyuniti.

Ol sevis na ol autris we ol i karimaut em long famili plening na kaunseling, sekim long sik STI olsem gonoria na sifilis na givim marasin, Helt sekap long ol man na meri, Ol mama i gat bel na ol dispela i karim nupela, tes long sekim sapos meri i bel, AIDS kaunseling na tes na masin i stap ol meri i ken sekim ol yet long sik kensa na ol narapela sik bilong ol meri. Senta long Mosbi i save op long olgeta Mande inap long Fonde stat long hap pas 8 moning inap long 4 kilok apinun.

Senta long Hagen i save op tu long olgeta Mande inap long Fonde stat long hap pas 8 moning inap long 4 kilok apinun. Senta long Lae em ol i bin opim tasol long mun Ogas las yia na em i save op na pas tu long wankain taim olsem long Mosbi na Hagen. Ol Komyunit Beis Sevis Provida (CBSP) i beis long ol wan wan komyuniti bilong ol.

Tasol ol i givim ol marasin na ol narapela samting bilong helpim mekim wok wantaim long givim ripordaktiv helt sevis. Taim ol i lukim olsem sik i bikpela, ol i save salim ol i go long ol dokta long helt senta, klinik na haus sik.

Taim ol saplai marasin i pinis, ol i save kisim moa long senta na ol i ken skruim gut sevis insait long komyuniti.

Moa long neks wik...

Ol sios i strongim wok long AIDS, yut na marimari

Wantaim Veronica Hatutasi
OL SIOS em ol bikpela patna bilong bringim ol sevis na developmen insait long kantri.

Ol i stap insait long ol ples insait long bus longwe long taun we i kat long gavman sevis i go insait. Ol i kisim ol helt na edukesen sevis na lotu wantaim ol gutpela samting long helpim spiritual na developmen bilong man i go long bikpela mak tru bilong pipel. Na long dispela, gavman nau i givim bikpela luksave na i wok patna wantaim ol long sampela eria.

Long lukluk long saitlain, ol eria we ol sios o wok string long en nai em:

- 1- Strongim bilip na mekim olgeta de bilong preis i stap.
- 2- Strongim na sapotim ol yut

- wok.
- 3- Ol wok marimari long ol turangu na ol pikinini i nogat papamama,
- 4- AIDS.
- 5- Ol sevis eria olsem Helt na Edukesen; na
- 6- Helpim manmeri long olgeta eria bilong developmen (integral human development)

Antap long wok ol sios i mekim long autim Gutnius na strongim bilip, ol sios long dispela taim i wok strong long ol eria olsem sapotim ol yut memba bilong ol long go insait long ol sios wok na liteji, strongim bilip na mekim ol wok marimari, go insait long ol wok we bai helpim ol long senisim pasin, go long ol sios kem na ol arapela wok ektiviti olsem na i helpim ol i kamap ol gutpela Kristen, gutpela sumatin na

gutpela memba bilong komyuniti na sosaiti. Narapela eria we ol sios i wok strong long en em pre na sapotim wok bilong gutpela sindaun (peace) na bel isi pasin (reconciliation).

Wanpela bikpela eria we ol sios i wok strong long en em long daunim sik AIDS. Angliken Sios na Katolik Sios i go pas wantaim ol arapela sios olsem Yunaited, Seven De Etventis, Baptis, Salvesen Ami, Luteran na ol Evanjelikel Alaiens i mekim wok long dispela eria wantaim ol awenes, gat ol Volunteri Kaunseling na Testing senta ol manmeri i laik sekim ol yet i save go long kisim helpim.

Ol sios i strongim ol wok marimari na nau, sampela sios i gat ol senta we ol i lukautim na helpim ol manmeri na pikinini i gat sik AIDS.

Na ol sios i wok long lukautim planti ol pikinini we papamama i dai long AIDS na lusim ol. Wantaim tu ol strit pikinini we ol papamama i no bisi long ol na ol i raun raun i stap.

Na gavman i skruim wok patnasip wantaim ol sios long bringim ol helt na edukesen sevis i go long ol taun na rurel eria.

Sios Patnasip Program (CPP) em i wanpela eria we 7-pela sios long PNG i wok bung wantaim long karimaut ol wok bilong kisim helt na edukesen sevis i go long pipel na moa yet long ol rurel eria, AIDS awenes na ol wok long ol yangpela na ol narapela manmeri long lukautim ol yet, daunim na abrusim sik, kisim ol VCT tes na lukautim ol dispela i kisim sik pinis. Dispela ol sios em Angliken, Katolik, Luteran, Yunaitet, Seven De Etventis, Baptis

Yunien na Salvesen Ami Sios. Ol dispela CPP patna i save bung tupela taim olgeta yia long glasim ol wok go het bilong ol. AusAID o save givim mani helpim na wok bung wantaim Caritas Australia na ol narapela mama han sios bilong ol 7-pela sios long Australia long putim ol mani i go long ol na bihain ol mama sios long Australia i givim i go long fandim ol projek we ol CPP memba long PNG i laik karimaut aninit long helt, edukesen, HIV/AIDS, lidasip na strongim ol fainens na etministresen bilong ol sios wok lain.

Lukim ol poto i gat ol stori long wok ol sios i bin mekim long dispela yia.



BELISI: Dispela ol yut i bin stap long wanbel isi woksop i bin kamap long Mosbi we Creators of Peace i bin holim long dispela yia.



WOK MARIMARI: Ol pikinini i nogat papamama we Anna Chinau na famili bilong em i save lukautim long Hohola i amamas long Krismas apti we Dijisel Faundesen i bin wokim bilong ol long Botenikel Gaden. Anna i wok wantaim We Care, wanpela NGO Pater John Glyn i go pas long en. Na i bin kisim moa long 500 pikinini i kam long Krismas pati. *Poto: Veronica Hatutasi*



BELISI: Ol mama, papa na yut i bin stap long wanpela wik bel isi woksop i bin kamap long Nazarin Sios hap, Mosbi long dispela yia.



SIOS PATNASIP: Sampela memba bilong Sios Patnasip Program (CPP) long wanpela bung bilong ol long Mosbi long dispela yia.



BUNG: Ol Sios mama grup i selebretim Nesanel Preia de long Se John Guise Stadium long Mosbi.



LITEJI: Hailans liteji grup long Sen Paul's Lwanga long Pam Sande selebresen long dispela yia.

PNG i gat bikpela wok long daunim hevi long bagarapim ol meri

...PNG kamapim CEDAW ripot - Veronica Hatutasi

EM i mak bilong yia 2009 i pinis na klostu taim tasol, nupela yia 2010 bai pundaun antap long yumi gen wantaim ol gutpela na ol nogut, tasol samting i stap long han bilong yumi wan wan long kamapim gut laip na sindaun bilong yumi.

Wanpela bikpela samting yumi long PNG i gat long en na yumi mas senisim em pasin bilong yumi. Senisim pasim yumi save lukluk long ol meri na pikinini na givim ol luksave olsem ol i man na yumi mas sanap long wankain level. Na ol man i noken rabisim, bagarapim o mekim ol olsem ol pipia kagoboi long yusim ol long laik.

Dispela toktok i kamap bikos long pasin kastom long planti bilong yumi long PNG, nogat gutpela luksave i stap long ol mama na ol pikinini. Em i wanpela eria we PNG i mas kamap gut long en sapos em i laik sanap long gutpela mak long Pasifik rijen na wol.

Bilong lukluk bek long wok bilong ol meri long dispela yia, sampela gutpela samting i bin kamap long ol wan wan level olsem famili, komyuniti, provinsel na nesenel level.

Long nesenel level, bikpela samting i bin kamap long dispela yia,

em long Palamen i kisim vot na makim tripela nominetet meri long sanap long palamen bilong helpim Dame Carol Kidu long wok. Ol bin votim Julie Toliman, Priscilla Karen na Ennie Moaitz.

Planti lain i no bin amamas. Moa yet, ol meri grup olsem NCW, na Presiden Scholar Kakas husat i tok NCW i mas gat wanpela meri insait

'Senisim pasim yumi save lukluk long ol meri na pikinini na givim ol luksave olsem ol i man na yumi mas sanap long wankain level. Na ol man i noken rabisim, bagarapim o mekim ol olsem ol pipia kagoboi long yusim ol long laik'.

long ol dispela ol i makim. Sampela Palamen memba olsem Oposisen lida Se Mekere i tok makim ol meri olsem i no bihainim lo na olsem, em i no givim sapot bilong em long vot.

Narapela bikpela samting em lonsing bilong CEDAW kantri Ripot we Komyuniti Dvelopmen i bin wokim long mun Julai long dispela yia.

CEDAW i sanap long

Konvensen bilong Rausim olgeta pasin bilong rabisim na bagarapim ol Meri em PNG husat i bin sainim pinis klostu 20 yias i go pinis, Konvensen bilong Yunnaitet Nesens (UN) i go egensim pasin bilong bagarapim na rabisim ol meri tasol strongim ol rait bilong ol (meri), tasol em i no givim wanpela ripot i go long han bilong Yunnaitet Nesens. Na dispela em i namba wan ripot PNG i lonsim na givim long UN.

Sekreteri bilong Komyuniti, Joseph Klapat i bin mekim klia ol sampela samting na i tok sampela gutpela samting insait long CEDAW olsem sampela ol gutpela tingting gavman i gat long en long go hetim CEDAW . Moa long ol samting i stap insait long CEDAW ripot em Jenda Ikwalti o pasin we man na meri i stap long

wankain level polisi bilong Edukesen Dipatmen, Opis bilong Haia Edukesen i kamapim kwota system, man na meri wantaim i mas gat wankain sans long wok long polis, PNG Difens, ami na nevi. i bin gat senis tu long Lo long yia 2000 bilong lukautim ol mer na pikinini long ol hevi na pait pasin, repim pikinini meri na ol samting nogut i save kamap

insait long famili. Skruim moa ol samting olsem fid sekyuriti o i mas gat inap kaikai olgeta taim, pablik na praivet sekta i mas gat wankain level bilong man na meri wantaim i wok, jenda (man na meri) stadi long teseri edukesen olsem wanpela kurikulum sabjek, mas gat tok orait long gat Opis bilong Dvelopmen bilong ol Meri olsem wanpela dipatmen em yenta sampela moa. Ol lain i bin givim sapot long kamapim CEDAW ripot em long Komyuniti Dvelopmen Dipatmen, Jastis na Ateni Jenerel, Foren Afeas na Tred, na Praim Ministas.

Narapela bikpela samting i bin kamap long dispela yia em Nesenel Polisi raun tebol bung toktok bilong ol Nesenel Kaunsel bilong ol Meri.

PNG i wok hat yet long daunim bikpela hevi na piksa nogut em i gat long rabisim, paitim na bagarapim ol meri.

Abrus long dispela, planti ol meri grup long ol sios, NGO, praivet ba pablik sekta, ol grasrut na komyuniti grup meri i bin wokim ol samting long kamapim senis insait long komyuniti na sossaiti.

Bai yupela lukim ol dispela long ol poto na ol liklik hap toktok i go wantaim ol.



KAM GUT TRU YA! Biknem musik meri bilong Tores Streit, Australia, Christine Anu i bin kam long PNG na i bin poroman gut wantaim ol meri na pablik long Mosbi. Rait gel ya. Liklik stori bilong en em i bin gat hatpela taim em i groap bikos sindaun bilong em tu i no gutpela taim em i liklik long Tores Strait Ailain klostu long PNG na Australia. *Fail Poto*



BIKPELA LUKSAVE: Sister Lorraine Garasu i wok long Katolik Sios Riha-bilitesen senta long Sabai, Buka i bin kisim bikpela luksave awot long Ameriken Embasi long ol gutpela wok em i mekim long helpim ol meri, ol yangpela na kamapim wanbel pasin long Bogenvil.



SOIM ROT LONG STAP GUT LONG SAIT BILONG BODI NA LOTU.

Ol Seven De Kristen Meri Temperens Yunien memba i skruim wok long wokim ol awenes long ol drag na smokim tobako i no gutpela long ol yangpela, gutpela sindaun na gutpela pasin bai helpim givim longpela na gutpela laip. Sampela ol meri i bin go long bung long Fiji, Australia na long nupela yia, bikpela bung bai kamap long Finlen, Yurop bai sampela ol meri i go long en.

DSIP, traim bilong Memba, distrik bai senis o nogat?

Paul Zuvani raitim

INAP long nau Gavman i givim olsem K17 milion long wan wan 89 distrik long kantri.

Gavman I givim K4 milion long 2007 Saplementari Baset, K6 milion long 2008 Baset, K4 milion long 2009 Baset na K3 milion long 2010 Baset.

Dispela em bikpela senis long mani mak ol distrik i bin wok long kisim pastaim long dispela ol yia.

Gavman i givim dispela mani wantaim as tingting bilong senisim na strongim rurel ples.

Dispela em i gutpela tingting bilong gavman.

Tasol askim nau i stap olsem ol Memba bai yusim dispela strongim ol manmeri na ples o nogat?

Long bekim ol manmeri i tok nogat bikos ol rot i bagarap yet,

haus sik i nogat marasin, skul i brukdaun na manmeri i kisim taim nogut.

Long dispela as em i gutpela long tok olsem K17 milion Distrik Sevises Impruvmen Progrem (DSIP) mani i traim bilong ol Memba.

Ol memba bai kamapim ol wok na projek long senisim na strongim ol rurel manmeri na ples o nogat?

Opis bilong Rurel Dvelopmen (ORD) we Gavman i makim bilong lukim dispela mani i go aut i tok i gat sampela hevi i stap we i mekim dispela mani i no go aut.

Hevi i stap long tupela hapwanpela em long politikel (ilektorel) na narapela long distrik opis (ol gavman wokman).

Ol asua em:

● OL Memba i laik mekim olgeta

disisen long distrik;

● OL opisa bilong Memba i save laik kisim ples bilong ol distrik tresari opisa na mekim wok;

● PLANTI senis tumas long distrik etministreta o distrik tresari opis;

● NOGAT gutpela wokbung namel long etministreta na distrik opis wantaim lokol memba;

● NOGAT gutpela distrik na fainens opis long kamapim baset na mekim ekuitel;

● NOGAT gutpela saveman long distrik long lukautim na raitim ripot;

● OL ples i stap longwe long

narapela narapela na hat long bungim ol manmeri na givim sevis;

● NOGAT gutpela wokbung namel long Memba, ol distrik opisa na ol kampani we i raitim ol projek proposal na

● OL Memba i no save wok hariap long sainim ol pepa long pe i mas kamap.

Bikos long dispela ORD I kamap wantaim sampela ol rot bilong dispela mani I ken go aut gut.

Dispela ol rot em:

● ORD i mas mekim moa aweanes kempein long gaidlains na fainens rot bilong kisim na yusim dispela mani olsem ol distrik i save long wok bilong dispela mani;

● I MAS gat gutpela komyunikesen namel long ol lain husat i pas long DSIP mani;

● TRENIM moa ol savemanmeri bilong tresari na fainens long kamapim ripot na lukautim ripot bilong mani na

● RIVYUIM ol rot long mekim isi long go bilong DSIP mani. Gavman I givim mani aninit long 7-pela hap.

Dispela ol hap em - trenspot infrastrukturta rihebilitesen na mentenens (K5 milien); praimerihelt kea (K3 milien); besik edukesen (K3 milien); wara saplai (K1.5 milien); lo na jastis (K1.5 milien); Komyuniti bes projek (K1.5 milien) na rurel ilektifikesen (K1.5 milien).



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Tupela guria i kamap long Westen Provins long Solomon Ailans

LAIN intanesenel ejensi nau i wok long helpim Solomon Ailans atoriti i karimaut ol wok painim long Westen provins bihainim tupela guria na liklik sunami i bin kamap long Mande.

Opis bilong Nesenel Disasta Menesmen i bin tok inap long tausen pipel long Rendova ailan bai kisim nogut.

Ol i tok ol i wok long wetim ripot bilong polis long ol wok painim bilong em na lain polis bilong Ramsi na tu planti arapela intanesenel eid ejensi nau ol i stap pinis long hap.

Nesenel Disasta Kaunsel progrem opisa, Julian Maka'a i bin tok ripot bilong pastaim i bin tok olsem 5 handret ol haus long Marovo Lagun i bin bagarap, i no tru.

PNG Nesenel AIDS Kaunsel i laikim moa sapot bilong Yunaitet Nesens

NESENEL AIDS Kaunsel bilong Papua Niugini i bin askim Yunaitet Nesens long i mas lukluk na sapotim ol kantri husat i gat bikpela mak bilong sik HIV na AIDS.

Dispela i bin bihainim ripot bilong Yunaitet Nesens AIDS we em i tok sik HIV na AIDS nau i pusim helt sistem bilong PNG klostu i go bagarap.

Pot Mosbi niusman, Firmin Nanol, i bin ripot wanpela ripot bilong UN AIDS em i wanpela wok-bung bilong Yunaitet Nesens progrem long HIV na AIDS, i bin tok mak bilong pipel i gat sik AIDS long Papua Niugini nau i go bikpela long olgeta hap bilong kantri.

UN AIDS Dairekta bilong Asia Pasifik, Dokta Prasada Rao, i bin tok go antap long mak bilong infeksien, bai putim bikpela hevi long helt kea sistem bilong PNG, we em i tok em i stap nau long mak bilong go bagarap.

Nau PNG Nesenel AIDS Kaunsel i bin tok em bai putim moa wari long helt sistem.

Em i tok 'Global Fan' em Yunaitet Nesens i lukautim, we em i save tilim mani long baim ol marasin bilong dispela sik long ol kantri olsem PNG long tritim pipel i stap wantaim dispela sik, nau i go daun na i bin askim moa mani long helpim dispela wok.

Mista Kanawi i bin askim UN AIDS na Dokta Prasada Rao long putim moa toktok bilong en long helpim PNG na noken givim aut ripot em inap bagarapim helt sistem bilong kantri.

Long ol namba bilong Yunaitet Nesens, PNG i gat bikpela mak bilong sik HIV AIDS stret insait long Asia Pasifik rijen.

Wanpela meri Aus-



HEVI BILONG GURIA: DISPELA pote i soim ol haus i bagarap bihain long guria na liklik sunami i kamap long ailan Gizo long Solomon Ailans. Wanpela sunami i bin kamap bihainim tupela bikpela guria. Samting olsem 500 manmeri nau i nogat gutpela sindaun. Long tupela de i go pinis, i gat ol guria i wok long seksekim ples yet. Wanpela viles long ailan Rendova i lukim planti bikpela graun bruk, na i daunim planti haus tru. Tasol Julian Maka'a, bilong disasta menesmen opis long Honiara i tok i nogat ripot yet long ol man i dai. (EPA Poto i kam long AAP Images)

tralia long nau i aut long kalabus

WANPELA meri Australia, em i bin stap long kalabus long kantri Denmak (Denmark), inap tripela wik, long rereim wanpela protes mas long taim bilong Kopenhagen klaimet senis kibung, nau ol i lusim em i go fri.

Niusmeri long Yurop, Emma Alberici, i bin ripot dispela meri Natasha Verco, ol polis i bin arestim em long Desemba 15, wanpela de pastaim long bikpela protes mas long taim bilong Yunaitet Nesens miting long Kopenhagen i kamap.

Natasha Verco i wanpela long ol meri i kamapim dispela grup Friends of the Earth long Australia.

Polis i bin holim em long haus kalabus long Denmak inap long tripela wik long i bin go pas na rereim ol protes bilong klaimet senis.

Sif Prosekiuta bilong Kopenhagen polis, Dorit Bordaard, i bin tok ol i bin larim Natasha i go fri wantaim wanpela man bilong Amerika, Noah Weiss.

Keis bilong ol ol i bin larim inap long mun Mas 16 taim ol bai go bek long kot long ol sas bilong paitim wanpela polis opisa, na i bin tingting long bagarapim gutpela sindaun.

Sapos ol i lus long kot, ol bai go kalabus inap long sikspela mun.

Ol i kilim narapela sumatin bilong India long Australia

KILIM dai bilong wanpela man bilong India long Melbon, Australia long wiken, i kamapim pinis ol strongpela toktok i kam long gavman na oposisen long Australia.

Elizabeth Byrne i ripot olsem polis long Viktoria i no gat evidens

i kam inap nau bilong soim olsem kilim dai bilong akaunting graduet Nitin Garg, long Yarraville long Melbon, long wanem em i bilong India.

Tasol Gautam Gupta bilong Federesen bilong ol India sumatin, i gat wari yet.

"Wanpela samting i stap klia yet, na dispela em ol India i wok long kisim nating nem nogut olsem ol viktin bilong pasin nogut."

Tasol nau, mausmeri i save toktok makim Federal Oposisen Foren Afes, Julie Bishop, i tok gavman i mas hariap na tokim ol Indian atoriti olsem ol i mekim ol samting nau bilong bringim husat lain i stap insait long dispela birua i go long kot.

"Na mipela i laik tok klia olsem ol sumatin bilong India i welkam yet long kam long kam skul long Australia," em i tok.

Tasol Deputi Prais Minista, Julia Gillard i tok, em i gat bikpela wari long dispela kraim.

"Mipela i tok strong na daunim dispela kain pasin pait agensim husat manmeri," em i tok.

Ekstenal Afes Minista bilong India i autim tok lukaut pinis olsem dispela trabel bai inap bagarapim ol wok pren namel long tupela kantri.

Pundaun bilong bikpela sno long Saina i pasim pinis ol skul

OL atoriti long Beijing, kapitel bilong Saina, i pasim pinis ol skul na redim moa bas na odarim planti tausen pipel long helpim long rausim ais i karamapim ol rot.

Ol atoriti i bin tok em i wanpela kol winta taim tru insait long dispela yia.

Not Saina i bin statim wik bihain

long ol i bin kol nogut tru na kamapim bikpela sno em i bin karamapim rijen long wiken na pasim ol bikpela haiwe rot na pasim tu ron bilong balus.

I kam inap nau, ol i no ting dispela kol bai kamapim wankain hevi ol i bin bungim long 2008 we i bin kamapim ol pawa kat long sampela hap bilong Sauten Saina.

Guria long Solomon Ailans i bagarapim pinis planti ol haus

LONG Solomon Ailans, ron bilong balus antap long ol ailan klostu long guria i bin stat long en, em i bin hamarim kantri, i soim samting olsem 500 ol haus i kisim bagarap o i bin bagarapim olgeta.

Nesenel Disasta Menesmen Opis i tok, planti handret pipel bai no gat ples bilong ol, tasol bai ol i no nap painimaut stret long en, inap ol i salim ol opisa i go long eria bilong painimaut stret long en.

Maski bikpela bagarap long ol haus na guria i bin kamapim liklik sunami, i bin gat ripot long pipel i kisim ol liklik bagarap tasol.

Mausman bilong Disasta Menesmen Opis i tok, ol i salim pinis wanpela patrol bot i karim wara bilong dring, kaikai na ol kandis i go long Honiara na i go aut long ol eria i kisim bikpela bagarap long Rendova Ailan na Marova Lagun, i stap samting olsem 300 kilomita longwe.

US Jiolojikal Sevei i tok, dispela guria i bin kamap samting olsem 103 kilomita long ailan taun bilong Gizo.

Rendova na Marova tupela wantaim i stap klostu long Gizo.

Saut Korea i laikim gutpela wok pren

wantaim Not Korea

SAUT Korea i tok, em i wok long traim kamapim senis long ol wok pren wantaim Not Korea na i askim pinis gen Not Korea, long daunim niuklia progrem bilong em.

Ol dispela toktok bilong Presiden Lee Myung-Bak i kamap bihainim wanpela askim bilong Not Korea long wik i go pinis, long pinisim ol kros wantaim Amerika na mekim peninsula i fri long nuklia pait samting.

Amerika i save mekim wok bung wantaim Saut Korea.

Presiden Lee i bin tok insait long wanpela toktok i bin wokim long televisen, olsem dispela yia, Saut Korea na Not Korea i mas kirapim wanpela bodi bilong lukim ol gutpela toktok i kamap namel long tupela kantri.

Em tu i bin mekim askim gen bilong em long Not Korea long go bek kwik na stap insait long ol toktok bilong daunim namba bilong ol nuklia, em sikspela kantri i bin stap insait long en.

Australian atoriti bringim narapela lain bot pipal i go long Krismas Ailan

OL i kisim pinis narapela grup bilong ol asailum sika i go long Krismas (Christmas) Ailan long lukluk gut long ol na helt bilong ol bihain long ol Australia atoriti i bin pasim bot bilong ol long solwara bilong Australia.

Ol i bin painim dispela bot long Mande long nambis bilong Westen Australia, klostu long Cartier Ailan.

Ol i bilip 30 pasindia na tupela kru i bin stap antap long dispela bot.

Ol stilman i stil long juelri stoa

OL stil lain i bin drilim hul long simen wol bilong wanpela juelri stoa long Tokyo na stilim ol han was em prais bilong ol i moa long 3 miliar US dola.

Polis i tok ol i bin stilim samting olsem 200 lakseri was long ol glas sokes long stoa long Tokyo Ginza strit.

Ol nius ripot i tok wanpela sekyuriti kamera i bin kisim foto bilong tupela long ol stilman i bin wok long go i kam long bottom floa o besmen sampela awa pastaim tasol long ol wokman i bin kamap long wok long Sarere, em namba wan de bilong salim samting long nupela yia.

Long mun Februari long yia i go pinis, ol i bin stilim tu ol juelri narapela stoa long em prais bilong ol i bin kamap long hap miliar dola.

Malesia i apil agensim kot ruling long "Allah"

MALESIA gavman i tok em bai apil agensim wanpela kot rulum em i larim wanpela Katolik pepa long i yusim toktok o wod 'Allah'.

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



WANTOK
KOMENTRI

'Wokabout wantaim long pasin bilong laikim'

DISPELA em i het tok bilong namba 27 Sinot bilong Ewanjelikal Luteran Sios we bai kirap long Sande na bai ron i go inap pinis bilong wik antap

Em i wanpela gutpela het tok bilong makim dispela kibung we i save pulim ol Luteran bilip manmeri bilong olgeta hap kona bilong kantri.

Na em i gutpela we i kamap nau long opim bilong nupela yia.

Insait long dispela wik, mipela i harim stori long namba tu pasin bilong traim kilim arapela man we i kamap insait long Mosbi siti.

Dispela kain pasin, i strong tru long planti ol bikpela kantri pinis, na nau i luk olsem em bai kamap bikpela tu long yumi, sapos yumi no daunim kwik.

I no gutpela kirap bilong nupela yia, tasol i gutpela long harim strongpela toktok i kam long ol bikman bilong polis fos, olsem ol bai no inap isi long husat ol lain i laik traim mekim dispela kain pasin hia long kantri bilong yumi.

Sif Ombudsman Komisina Chronox Manek i bin namba wan bikman husat i bin bungim birua na klostu lusim laip bilong em taim ol man nogut i traim long sutim em ausait long haus bilong em.

Sapos i gat wanpela tingting nau i wok strong, em ol stilman na ol man nogut bai traim strong tru long haitim ol paol pasin bilong ol.

Long narapela sait, em i soim tru olsem i gat ol gutpela manmeri i stap. Ol manmeri husat bai no inap long pundaun o pasim maus, pasim ai o tanim het long ol hevi i wok daunim yumi PNG.

Long dispela nupela yia, bilip bilong yumi long ol kain man olsem Manek, i mas stap strong.

Dispela yia, bai yumi lukim planti nupela samting i kamap, bungim planti nupela salens, na bilip bilong yumi bai bungim bikpela traim.

Gavman i mas mekim wankain.

Em i noken lukluk na tingim sindaun bilong ol bikpela manmeri, ol bisnisman, o ol mani man tasol.

Sapos gutpela taim i kam long yumi, yumi mas kisim dispela gutpela taim na senisim bai em i ken kamapim gutpela kaikai na sindaun bilong yumi, laka?

Long sait bilong sindaun bilong busgraun, tupela bikpela gurua i seksekim Solomon Ailans dispela wik, na liklik sunami i bin kirap bihainim. Em i soim klia ol hevi we PNG i mas redi long bungim dispela yia tu. Long wanem, mama graun i no inap toksave na kamapim birua.

Na long makim pinis bilong dispela wik, tingting bilong yumi bai stap wantaim olgeta bilip manmeri bilong Luteran sios hia long kantri, bai ol i ken makim gutpela lida na man husat i ken karim wok bilong bipo lida bilong PNG Luteran sios, Leit Het Bisop Kigasung.

Yumi mas go fowet

WELKAM long 2010 na gutpela long bungim yupela olgeta rida bilong Wantok Niuspepa gen.

Wantok Sistem i no dai na i no aut yet. Mi kam bek wantaim moa tingting na toktok bilong yumi ken tromoi na skelim go kam long dispela yia.

Yes long pinis bilong las yia 2009, mi bin pasim toktok bilong mi wantaim ol sampela bikpela wok na developmen kantri bilong yumi wok long bungim na bai bungim long ol yia i kam. Sampela bikpela developmen olsem yumi olgeta harim na ritim pinis ol kolim LNG projek we ol papagraun bai poket i pulap tru long mani na planti bisnis bai kirap tu bikos LNG bai opim dua bilong planti bisnis na wok na mani.

Em gutpela nius long developmen bilong kantri bilong yumi. Tasol bikpela samting em yumi mas yusim gut ol mani yumi kisim long dispela kain bikpela wok olsem. Yumi



save paitim bros na apim nem olsem Papua Niugini em ris kantri o kantri wantaim planti mani na ol samting bilong bus graun na solwara tu i pulap moa long helpim sindaun bilong yumi. Em stret yumi em ris kantri olsem na soim stret dispela mak wantaim sampela gutpela piksa olsem gutpela rot, gutpela sevis, olgeta manmeri gat wok long mekim, nogat pikinini bai raun nating nating bikos olgeta stap long skul na planti arapela gutpela samting.

Em orait, gavman gat plen long mekim ol dispela samting wantaim dispela bilien kina LNG projek bai pulim kam long kantri.

Na yu yet olsem wanem? Yu ting long kamapim sampela gutpela samting long laip na sindaun bilong yu o nogat? Tok pisin ol tok, noken long-

long na paol paol stap. Planti samting wok long go fowet olsem na yu tu noken stap bihain. Yu tu mas muv go fowet nau.

Sapos yu makim wanpela samting yu laik kamapim o kisim long dispela yia, yu sanapim han lek bilong yu stret, mailim kos na sut go stret long dispela samting yu laik kisim long dispela yia. Noken seksek nabaut, go het na kisim.

Sapos dispela samting yu laik bai kos bikpela mani, orait stat putim sampela mani nau na lusim sampela samting yu save tromoi mani nating long en.

Planti sait sait wokabout yu save mekim ya, lusim nau nau wokabout stret go long dispela mak yu laik kisim dispela samting ya.

Sapos yu laik baim haus o wokim nupela haus, orait makim rot na lokim tingting na go het nau. Sapos yu laik maritim dispela rait meri o rait man bilong yu long dispela yia, orait stertim rot na mailim

kos na go stret long en nau. Sapos yu laik kamapim K100, 000 long pasbuk blong yu long dispela yia orait lokim tingting na sut go stret long dispela namba nau. Ol kain samting olsem. Noken westim taim na paol paol raun o kaikai buai smok na westim taim o sanap stori tumas na lap stap.

Lusim nau, ol dispela kain samting i holim yu stap longpela taim na yu no winim wanpela samting bilong helpim yu yet.

Aste long moning, ol polis singaut antap long ol bas draive long Boroko bas stop olsem, ol pik na dok gat save ya. Yupela ol man ya save blong yupela winim save blong ol pik na dok ya. Traim na harim tok na mekim samting stret ya.

Olsem na mi askim, save blong yu winim save bilong pik na dok o nogat? Tingim tasol na mekim samting stret nau.

Hepi 2010 long yupela olgeta.

WANTOK

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Naville Choi

Published at
Section 5B, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Hai wara katim

BRIS BRUK: Ol kar i sindaun nating antap long wanpela bris i sindaun antap long wara Jacui long Brazil. Bikpela ren i lukim haiwara i kamap long Tunde dispela wik. Samting olsem 12-pela manmeri i bin lus long Tunde bihain long bris i bruk. (AP Poto i kam long AAP Images)

Lapun i amamas tu

PANI: Wanpela lapun meri bilong Gret Briten i makim nupela yia wantaim klos bilong ol pani man o klaun. Em i werim dispela klos na bilas na wokabaut insait long bikpela mas i bihainim ol bikrot long London siti. Long makim Janueri 1 olgeta yia, London i save kamapim dispela bikpela wokabaut we olgeta manmeri i ken bilas na amamas wantaim. (AP Poto i kam long AAP Images)



Kliarim rot

SNO PULAP: Sno o ais we i save kamap long ples kol em i pasim olgeta rot long kantri Saina long ol wik i kam inap tude. Bik siti bilong Saina, Beijing, i bin bungim bikpela birua taim sno i pundaun na pasim rot na ol balus wantaim. Olgeta Praimeri na Midel skul long Beijing siti i bin pas na moa long 300,000 manmeri em ol i makim ol long kliarim sno insait long kapitel wantaim ol savol, skrepa na brum. (AP Poto i kam long AAP Images)



Lait bilong nupela yia


PAIA: Ol paiawoks i lait long skai antap long senta bilong siti Brasels long kantri Beljium long Yurop long makim namba wan de bilong 2010. (EPA Poto i kam long AAP Images)



Dubai Nu Yia

MAKIM: Long makim nupela yia long ples Dubai long Yunaitet Arab Emirets, ol i laitim ol paia woks antap long wanpela nupela opis bilding, we ol i tok em i namba wan longpela skaiskrepa long wol, nem bilong em Burj Khalifa. Kampani bilong Saut Korea, Samsung C&T Koporesen i go pas long bildim dispela 828 mita tawa. (Poto i kam long AAP Images)

Amamasim Krismas na Niu Yia long Mosbi siti



Wantok raun na kisim piksa long sampela hap long Pot Mosbi na Sentral long Krismas na Niu Yia. Antap ol paiawoks bilong Lamana Hotel. *Ol Poto: Nicky Bernard*



Gavana bilong NCD Powes Parkop, meri bilong em na Justin Tkatchenko i sindaun wantaim kendol bilong ol long taim bilong Gavana Kerols bai Kendol Lait nait long NCD.



Lait diwai em save lait olgeta nait long Mosbi siti, em wanpela han mak bilong Pakop na Tkatchenko.



Krismas Kerols i kam gut tru long dispela yangpela grup.



Lait wara tu em han mak bilong dispela tupela man ya, ol dispela long bikpela raunabout long Gerehu long Mosbi.



Ol pikinini i singim krismas kerols long krismas de stret.



Renbo Warias, em ol boi bilong Renbo husat i helpim ol NCDC na Polis long lukautim ol wanwan hap bilong ol long taim bilong Krismas na Niu Yia.

Musik long yia i go pinis

Nicky Bernard i raitim

2009 em i wampela bikpela yia bilong ol musik manmeri insait long Kantri, we i lukim ol katim sampela bilong ol nupela albam bilong ol.

Long stat bilong yia, biknem music man bilong Sentral, Steve Lahui i katim namba 11 albam bilong em insait long bikpela studio long kantri, CHM.

CHM i no stop long katim ol kaset na CD bilong ol musik man na meri bilong yumi insait long kantri, ol tu katim namba 6 albam bilong Uralom Kania long dispela yia, albam Sotpela Nus i bin lait insait long kantri na Uralom i bin lonsim long Rabaul, Lae, Hagen na Mosbi.

Tru ol dispela musik i no inap pairap o kamap nating na nem bilong ol dispela manmeri i no inap pairap sapos yumi nogat ol radio station insait long kantri olsem Yumi FM husat i kamapim bikpela nait bilong em long dispela yia long amasim bon de bilong wankain long ol narapela redio stesin insait long kantri olsem Nau FM, Rait FM, FM Sentral, FM 100 na sampela moa ol liklik redio stesen insait long provins bilong yumi, ol save pilaim ol singsing bilong ol dispela lain na givim nem long ol.

Dispela yia tu, PNG FM, em mama kampani bilong Yumi FM na Nau FM, i kamapim musik awot bilong ol bilong dispela yia, dispela em bilong luksave long musik manmeri bilong yumi Papua Niugini, na Pasifik husat singsing bilong ol I save pairap strong tru long redio stesen bilong ol, dispela musik awot tu save pulim planti musik manmeri long kam bung na luksave long ol yet.

Man save go pas long musik bilong Hailans, nau ol kolim King Bilong Hailans Musik, Augustine Emil, em save strongim tru ol singsing bilong em, tasol yangpela musik man long Rabaul i kisim Rookie bilong yia, Tekses Allan i kamapim sampela gutpela singsing bilong em long dispela yia na yia i go pinis, ol yangpela meri long Soloman Ailans, Sisiva, i kam long dispela yia na kisim awot bilong go bek long ol ailan bilong ol long taim ol i winim Saut Pasifik na meri grup bilong yia.

Wampela strongpela sings-



Ex Tension em popula ban bilong Mosbi, ol tu i gat studio bilong ol long prektis.

ing tu i pairap long dispela yia, em 'Take Me To Paradise' (kisim mi go long paradais) dispela singsing i no lus long maus bilong ol pikinini na ol bikman meri taim ol i harim long redio o long danis ples, lam bilong ol i save dai na ol i laik go hariap long Paradais, dispela singsing tu i winim wampela awot bilong dispela long PNG FM.

Nau yet planti long ol yangpela ben i wok long kamap na sampela singsing bilong ol i wok long pairap strong insait long kantri, sampela tu i brukim rekot long sampela musik sat bilong yumi long ol redio stesen long kantri.

BJ Nagura em wampela bilong ol dispela nupela ben na singsing bilong ol i bin brukim rekot long Yumi FM, singsing Mori-E namba wantaim i pairap long Yumi FM i bin stap long zero na i kalap i go namba 6 long namba 2 wik na bihain kalap go namba wan, dispela singsing tu i pas pinis long ol liklik mangi long kantri.

Tru tumas, sapos i nogat ol redio stesen, bai yumi no inap save long planti singsing bilong ol wan kantri bilong yumi na tu ol lain long Pasifik.

Bikpela tingting nau long hamas radio stesen yumi gat long kantri, sapos yu ken tingim em, FM 100, Nau FM, Yumi FM, FM Sentral, Rait FM, Tribe FM, FM Morobe na sampela moa long ol liklik provins bilong yumi, sapos ol nogat ating sampela singsing bilong yumi PNG bai yumi no inap save, tenkyu tru long ol. I no radio tasol, sampela

One Tokz bilong Solomon Ailan katim nupela albam long Mosbi na pilai tupelo nait 2009



Siasi Herites i katim nupela albam bilong ol. 2009



taim ol lain long TV tu save soim ol piksa bilong ol manmeri taim ol singsing, yumi save lukim pes nus bilong ol na taim yumi raun long taun na lukim ol yumi save kolim nem stret, nau long bikpela siti bilong yumi long Mosbi ol stat long soim ol piksa bilong yumi Papua Niugini stret, dispela long soim olsem yumi tu ken mekim piksa bilong yumi long ples, olsem na dispela yia NCC na bikpela skul UNI i kamap dispela piksa Festival long soim long liklik hap long Mosbi.

Sapos yumi lukluk long ol geta bikpela kamap long musik long yia i go pinis, yumi bai tingting long dispela nupela yia. Sindaun bilong musik indastri bai olsem wanem, na bai yumi gat sans long harim ol wanem kain nupela stail musik i save kamaut long save na stail bilong ol musik manmeri bilong yumi. Yumi lukluk.



Ol ben memba bilong BJ NAGURA



Yumi FM kru, ol i paia lait dispela yia wantaim kainkain So. 2009



Sisiva Kru, ol yangpela meri Solomon Ailan i kam raun long kisim Awod bilong ol 2009



K Dumen singsing long taim bilong amamasim Yumi FM bonde.

Lukluk Long 2009 Entatenmen



Steve Lahui lonsim namba 11 albam bilong em, 2009



Uralom Kania lonsim nupela albam bilong em dispela yia, SOTPEL NUS.



Tekses Allan em rookie bilong yia 2009, Musik Awod.



Augustine Emil, kisim nem olsem king bilong Highlands music, Musik Awod 2009



Grup bilong Saiklon Stidio husat I kisim planti awod long 2009, Skatas Band, Owa Unit Band na Bos bilong Saiklon na Band bilong em.



Patti Pots Doi, save pulim planti manmeri long singsing bilong em, dispela yia em i mekim planti So na helpim planti lain long rekotim albam bilong ol.

YUMIFM Redio Program

Program bilong Wanwan De Mande - Fraide

6am - 10am - Sankamap show - Host: KAS.T
 6:15am - Komuniti Notis Bod
 6:30am - Nius Hetlains / Bondei grittings
 Trukai Rais - GES FAIA KOMPETISEN
 6:45am - Niuspepa Hetlains
 7:00am - Major Nius Bulletin - YUMIFM Nius Senta
 7:15am - Toktok sapotim LO na JASTIS Sekta
 7:30am - Trukai Rais - GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - Stori b'long Skelim Tingting

8:30am - Trukai Rais - GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - Trukai Rais - GES FAIA KOMPETISEN
 9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack - Host: VAVIESSIE
 10:10am - Lukatim yu yet - Helt toktok - RH Hyper Mart
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Cont'd - Lukauti yu yet - Helt toktok
 11:30am - Nius Hetlains b'long Belo Taim
 12:00pm - Major Nius Bulletin - YUMIFM Nius Senta
 12:10pm - BELO Taim - wantaim sapot b'long TELIKOM
 12:15pm - Komuniti Notis Bod
 12:20pm - BELO Taim - wantaim sapot b'long TELIKOM
 1:00pm - Nius - YUMIFM Nius Senta
 1:10pm - BELO Taim - wantaim sapot b'long TELIKOM

2:00pm - Major Nius Bulletin - YUMIFM Nius Senta
 2pm - 6pm - Avinun Draiv Taim - Host: Enjo Dabix
 2:00pm - 4:00pm (Tunde / Fondei) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta
 3:10pm - Avinun cruz
 4:00pm - Nius - YUMIFM Senta
 4:10pm - "FOAPELA KAM GUD LONG 4"
 4:30pm - Nius Hetlains
 4:45pm - YUMI PANIM WOK Segment
 5:00pm - MAJOR NIUS BULLETIN - YUMIFM Nius Senta
 5:10pm - 6:00pm - FLAME KULCHA (1 hr) listeners request
 6:00pm - MAJOR NIUS BULLETIN - YUMIFM Nius Senta
 6 - 7pm - Maggi noodles request aua
 6pm - 00am - NAIT BEAT - Host: ANGRA KENNEDY
 6:10pm - 7:00pm Mun kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT

9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Papa Raegs / Sally / Nenge
 00:00 - Early Monin Taim Cruz (ol lain brukim tulait shift)
 - Miusik / Request / Tok pilai
 - Kipim Kampani long ol nait shift.
Weekend Shift - Saturday & Sunday
 6:00am - 11:00am - Wiken Sanrais
 6:30am - Komuniti Notis Bod - Bondei grittings
 7am - 9am - Wiken Spots
 9am - 11am - Monin Raun
 11am - 1pm - National Weekly Hit Parade (Host Kas.T)
 2pm - 6pm - Sarere Avinun Draiv
 6pm - 00am - Nait Beat (Host Angra Kennedy)

YUMIFM POROMAN TEAM:
 Turner (KAS.T) Arifee - Team Leader / Program Director
 Angra KENNEDY - Senior Announcer

RADIO AUSTRALIA TOK PISIN PROGRAM
 HARIM LONG: 101.9 FM

Radio Australia Tok Pisin Program - MANDE

Morning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7.15PM Stesen Op
 7.30PM OI Hetlain na Program Priviu
 7.45PM Musik na Chit Chat
 8.15PM Nius na Karen Afeas
 8.30PM Nius
 8.45PM Musik
 8.55PM Spots Riplei
 9PM Stesen Pas

TUNDE
Morning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7.15PM Stesen Op
 7.30PM OI Hetlain na Program Priviu
 7.45PM Musik na Chit Chat
 8.15PM Nius na Karen Afeas
 8.30PM Nius
 8.45PM Musik
 8.55PM Spots Riplei
 9PM Stesen Pas

TRINDE
Morning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7.15PM Stesen Op
 7.30PM OI Hetlain na Program Priviu
 7.45PM Musik na Chit Chat
 8.15PM Nius na Karen Afeas
 8.30PM Nius
 8.45PM Musik
 8.55PM Spots Riplei
 9PM Stesen Pas

FONDE
Morning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7.15PM Stesen Op
 7.30PM OI Hetlain na Program Priviu
 7.45PM Musik na Chit Chat
 8.15PM Nius na Karen Afeas
 8.30PM Nius
 8.45PM Musik
 8.55PM Spots Riplei
 9PM Stesen Pas

FRAIDE
Morning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7.15PM Stesen Op
 7.30PM OI Hetlain na Program Priviu
 7.45PM Musik na Chit Chat
 8.15PM Nius na Karen Afeas
 8.30PM Nius
 8.45PM Musik
 8.55PM Spots Riplei
 9PM Stesen Pas

SARERE
 Nait
 7PM Stesen op - OI Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE
 Nait
 7PM Stesen op - OI Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru...

'Hepi Niu Yia, PNG'

YES ya, em nupela yia nau, planti amamas i pinis na nau em i taim bilong nupela ol samting bilong mekim, planti bai mekim promis long sampela samting ol noken mekim long dispela nupela yia, planti bai stap wankain tasol olsem olpela yia i go pinis.

Bikpela siti Pot Mosbi i amamasim krismas na niu yia gut tru, i nogat planti birua i kamap we bipo yumi save harim, ating Gavana bilong NCD (Nesenel Kapitel Distrik) Powes Parkop i mekim gut tru ol samting bilong amamasim ol manmeri na pikinini, olsem na namba wan taim Mosbi ama-

masim gut tru ol dispela ol de.


Long Krismas iv, planti manmeri na ol pikinini i go long Unagi pilai graun, laitim kendol wantaim Gavana Parkop na singsing ol krismas singsing. Taim singsing i pinis, ol i rere tasol long paia woks, dispela nait i bin kala nogut tru, paia woks i pairap na lait na long semtaim tu, ol kala lait long dispela hap i bin lait gut tru bihainim ol rot, mekim na planti manmeri i no lusim dispela pilai graun na go long haus inap bik nait.

Gavana Parkop i no amamasim wanpela hap tasol long Mosbi, em i kisim paia woks i go olgeta long Gerehu na lait long krismas nait stret taim em i opim wanpela raun wara ol i mekim we i ken sut i go antap na dispela raun wara i ken kamapim kainkain kala lait insait long en, dispela liklik hap i bin pulim plant ol lain husat i save silip long Gerehu i go lukim na amamas wantaim, dispela ples nau i save pulap long ol manmeri long san na nait wantaim.

Long niu yia, Lamana Hotel i bin pairapim bikpela paia woks stret, na dispela em i bikpela moa long ol yia i go pinis. Ples i bin pulap stret, ol i pasim get long 10 kilok nait long wanem insait long klab i pulap na i nogat moa spes bilong kisim moa manmeri.

Dispela klab Lamana i save pulap olgeta niu yia nait, long wanem ol tasol save pairapim paia woks, olsem na planti manmeri save resis long kisim spes long apinun yet, husat i gat kar em ol i save kisim ol famili bilong kam sanap ausait na wetim taim long lukim, dispela yia Lamana i pairapim ol bikpela paia woks we ples tu i bin guria.

Olsem tok i go pinis, olgeta amamas i save gat pinis bilong em, dispela yia bai gat nupela ol samting bai kamap, putim was tasol long dispela pes na bai yu save wanem ol nupela samting bilong dispela nupela yia bai kamap em bai toksave long yu.



PAIA WOKS: Lamana i pairapim ol paia woks we i bin laitim skai long makim kamap bilong nupela yia.
Poto: Nicky Bernard

EMTV Television Guide

FONDE JANUERI 7, 2010

5.00AM G JOYCE MEYER - *Religious Program*
 5.30AM G TODAY
 9.00AM G MALOLO CLUB
Holiday school specials - keep your kids entertained throughout the holiday season. Join Dora the Explorer on her many adventures; new gadgets on Cybershak; The Saddle Club, Madigan's Quest, the fun and energetic Rock Eisteddfod competition, movies and lots more

 10.00AM G 2nd TEST
 DAY 5: AUSTRALIA v PAKISTAN
Join your expert commentary team for all the cricket action from the Sydney Cricket Grounds, Sydney.
 11.30AM G THE CRICKET SHOW
Join Simon O'Donnell for all the latest news, updates and analysis of the day's play along with special guests live in the studio.
 12.00PM G AUSTRALIA v PAKISTAN
continues....
 5.29PM G EMTV NEWS UPDATE
 6:00PM G NATIONAL EMTV NEWS
 6.30PM G A CURRENT AFFAIR

6.59PM NEWS UPDATE IN TOK PISIN
 7.00PM PG AUSRALIA'S FUNNIEST HOME VIDEOS - DAILY EDITION
 7.30PM PG ELITE MUSIC ZONE
 7.57PM EMTV TOK SAVE
 8.00PM PG WWE AFTERBURN
 9.30PM G PREMIERE SPECIAL EVENT
 10.00PM M THE STRIP
 11.00PM G NATIONAL EMTV NEWS REPLAY
 11.30PM Australia Network

FRIDAY, JANUERI 8, 2010

6.59AM G STATION OPEN
 7.00AM G JOYCE MEYER: Enjoying Every Day Life
 9.00AM G MALOLO CLUB
Holiday school specials - keep your kids entertained throughout the holiday season. Join Dora the Explorer on her many adventures; new gadgets on Cybershak; The Saddle Club, Madigan's Quest, the fun and energetic Rock Eisteddfod competition, movies and lots more

5.55PM G CRIME STOPPERS
 6:00PM G NATIONAL EMTV NEWS
 6.30PM G A CURRENT AFFAIR
 6.59PM NEWS UPDATE IN TOK PISIN
 7.00PM G IN MORESBY TONIGHT
 7.30PM PG AUSRALIA'S FUNNIEST HOME VIDEOS - DAILY EDITION
 7.57PM EMTV TOK SAVE
 8.00PM PG SECRET MILLIONAIRE:
 9.00PM M 20 TO 1: "Sexiest Moments In Music"
 10.00PM M SEA PATROL III: RED GOLD
 11.30PM Australia Network

SARERE JANUERI 9, 2010

8.29AM STATION OPEN
 5.30PM G SPEED MACHINE
 5.30PM G MXTV
 6.00PM G NATIONAL EMTV NEWS
 6.30PM PG WIPEOUT (New Series)
 7.27PM EMTV TOK SAVE
 7.30PM G MORESBY TONIGHT
 8.00PM PG GHOST WHISPERER
 9.00PM PG THE SENSITIVE SAMURAI

A classic samurai drama, set in the 18th century; tragedy, honour, revenge, love, tears, laughter and swordsmanship extraordinary. The hero Matahachiro flees to Edo (now Tokyo) after becoming embroiled in a feud and killing his sweetheart's father. He finds work as a body-guard, but spends a good deal of his time defending himself. He even crosses paths with the real-life "forty-seven ronin," who are seeking revenge for the forced suicide of their lord. Meanwhile, Matahachiro cannot forget his sweetheart back home.
 10.00PM M UNDERBELLY: A Tale of Two Cities
 11.00PM G NATIONAL EMTV NEWS REPLAY
 Midnight Australia Network

SANDE JANUERI 10, 2010

6:30AM G IT IS WRITTEN: "Modern-Day Miracle in Paradise"
It Is Written is an international, Christian television ministry dedicated to sharing insights from God's word with people around the world.
 7.00AM G HILLSONG
 5.00PM PG WWE AFTERBURN

6.00PM G NATIONAL EMTV NEWS
 6.30PM G EARLY CHILDHOOD CARE AND DEVELOPMENT - A short video film on The Early Childhood Care Development Policy developed to provide guidelines for co-ordinated approaches by relevant partners in the areas of curriculum development, parental & child care responsibilities.
 7.00PM G MIND YOUR BUSINESS
A new monthly business program focusing on business and financial issues affecting PNG.
 7.30PM PG DOMESTIC BLITZ
 8.27PM EMTV TOK SAVE
 8.30PM PG SUNDAY NIGHT MOVIE: FIREWALL - (2005) Harrison Ford stars as a bank security expert whose speciality is designing theft-proof financial computer systems that never fail. However, when a ruthless criminal mastermind kidnaps his family, Ford is forced to find a flaw in his system and steals \$100 million. Also stars Virginia Madsen and Paul Bettany.
 8.27PM EMTV TOK SAVE
 10.30PM G HEALING PLACE TV
 11.00PM G NATIONAL EMTV NEWS REPLAY

TORO



BIABIA



KANAGE



TOKWIN

Hepi Niu yia...

Niupela yia nau na planti manmeri i kamapim ol niu yia resolusen olsem bai ol i stop simuk, dring bia, kaikai buai, dinau moni o lus weit. Em i gut-pela tasol yumi mas tingting gut na bihainim dispela ol tok promis. Wanpela memba bilong Mosbi i singautim olgeta femili bilong em long haus na kamapim bikpela kaikai tru na autim niu yia resolusen bilong em long femili bilong em we olgeta femili bilong em i ai na maus op long dispela resolusen bilong em. Em i tok, Mi memba bilong siti na mi laik mekim

wok long lukautim ol pipel i votim mi, tasol kainkain problem long femili i wok long daunim mi. Ol sem na niu yia resolusen bilong em olsem, sapos wanpela bilong yupela i bungim tupela meri bilong mi kalap long teksi o werim ol stail klos na raun nating nating nogat toksave long mi, bai mi givim K2000 long yu husat i bungim ol na paitim ol na salim ol i go ICU wod long haus sik. Mi les pinis long ol dispela meri i wok long karim kainkain problem i kam long mi na bagarapim gutpela nem bilong mi. Nau husat meri bilong mi o susa bilong mi laik raun na kalap long teksi nating nating long so-op mas toksave long mi wanem hap yu

laik go raun o bai yu kisim bagarap long han husat man i paitim yu na salim yu go long ICU wod na bai mi peim K2000 stret long dispela man. So tingting gut na raun. **Rait resolusen yah! Hah!!!**

Tok Sori...

Bikpela toksori i go long femili bilong biknem bisnisman Henry Kila bilong Yule Ailan Sentral provins husat dai long Niu yia de stret. Olgeta bikman na meri long ol bisnis haus i kirap nogut long dai bilong em na sori tru long femili bilong em.

Tokwin Tasol...

A 15x15 grid of letters used for a word search puzzle.

A list of words found in the word search, including: PULIM BAL, GOLKIPA, OFSAIT, STIK, WINGA, BAL, BULI, HITAUT, PENALTI, SKUP, BEKSTIK, FOWET, FRI HIT, INA, PITS, TAKOL, LEK BAL, BEK.S, GOLI, LINKS, PUS, SWIPA, FLIK, KIKINGBEK.

A 10x10 grid of numbers used for a Sudoku puzzle.

A 10x10 grid of numbers used for another Sudoku puzzle.

Ansa bilong las wik Sudoku

A crossword puzzle grid with some letters filled in.

Ansa bilong las wik Pasol

EMTV Television Guide

Television schedule for EMTV from January 7 to 10, 2010. Includes programs like 'AUSRAIA'S FUNNIEST HOME VIDEOS', 'ELITE MUSIC ZONE', 'WWE AFTERBURN', 'THE STRIP', 'NATIONAL EMTV NEWS', 'NEWS UPDATE IN TOK PISIN', 'STATION OPEN', 'JOYCE MEYER: Enjoying Every Day Life', 'MALOLO CLUB', 'CRIME STOPPERS', 'NATIONAL EMTV NEWS', 'A CURRENT AFFAIR'.

Articles and news items. One article mentions 'The hero Matahachiro flees to Edo (now Tokyo) after becoming embroiled in a feud...'. Another mentions 'The Early Childhood Care Development Policy developed to provide guidelines...'. There is also a section for 'SANDE JANUERI 10, 2010' with programs like 'IT IS WRITTEN', 'HILLSONG', 'WWE AFTERBURN', 'EARLY CHILDHOOD CARE AND DEVELOPMENT'.

SKUL yia bilong 1973 i stat na mi go long Manus hai skul.

Hia mi bungim planti pikinini bilong ol narapela ples long Manus. Ol pikinini bilong Baluan, Lou na Pam, ol pikinini bilong Rambutso, Pak, Tong na Naona, ol pikinini bilong Powai, M'buke na Malai Bay, ol pikinini bilong Tingou, Kawa, Buyang, Kari, Bipi, Hermit, Andra, Ahus, Ponam, Pitiluh, Loniu, Bunai, Pere, Lawes, Rosun, Karun, Lundret, Sapon, Sohoneriu, na olgeta hap bilong Manus. Sampela i gat longpela gras olsem ol Taiwan, sampela i bilak moa olsem sospen, sampela i luk olsem ol Sepik, sampela i karim pasin bilong ples bilong ol i kam long skul na kainkain mangi mipela i kam bung long Manus hai skul.

Liklik mani papa i wok long taun em i no planti, long taim mi redi long go long hai skul mi lukim papa bilong mi i save kisim K28 potnait. Dispela em i liklik mani tumas tasol papa i lukautim gut tru na helpim mi long skul fi bilong mi. Tasol mi lukim planti papamama i painim hat tru long stretim skul fi bilong pikinini bilong ol. Mipela i bin las grup bilong mekim fom wan i go long fom foa, bihain long mipela nau edukesen dipatmen i senisim olsem gred seven i go long gred 10.

SENIS WANTAIM TAIM Hai skul laip



Long taim bilong mi tu, Papitalai hai skul i stat long kisim ol pikinini man. Pastaim long 1973 Papitalai i save kisim ol pikinini meri tasol, i no gat man.

Taim bilong mi long hai skul i bin gat ol miks aktiviti o wok. Mi bin de sumatin na mi save

wokobaut longwe tru na kam long skul olgeta moning. Taim mi kamap long skul graun, belo bilong asembli i save krai na mipela i ron hariap na sanap long lain. Long asembli deputi prinsipol i save kam na sekim yunifom bilong mipela. Taim em i

kamap long mi, em i save apim kola bilong siot bilong mi na tok "son, your shirt needs washing" olgeta lain i save tok "tapak, tapak" na mi save sem nogut tru. Wanpela mangi Rambutso i laik pait so mitupela i mekim gutpela so long belo taim long klasrum na mitupela wantaim i kisim panismen.

Dispela i nonap na narapela i laik traim mi gen so mitupela i traim bun liklik namel long rot bihain long skul i pinis. Wanpela mangi Bipi ailan 'Benedict Pappocha' em tupela lek bilong em wantaim i dai na em i save wokobaut long tupela stik na pulim lek bihain. Dispela i mekim mitupela narapela mangi Bipi 'Luke Sihamou' i save karim ol buk bilong Benedict namel long ol klasrum bihain long olgeta 40 minit piriet inap fopela yia olgeta long hai skul. Mi bin prifek bilong ol de sumatin na mipela i bin bungim kokonas na wokim kopra na salim. Namba wan K300 mipela i wokim, mipela i baim namba wan wil sia bilong Benedict. Long taim bilong mi tu, mipela i wokim wara dem na wanpela mangi long fom tri i bin suvim pinga bilong em long hol bilong paip taim ol narapela i rausim paip bilong rausim wara. Paip i katim bikpela pinga bilong han bilong dispela mangi. Mi bin lidim tim bilong skul dibeit resis

wantaim Papitalai na em namba wan taim Manus Hai skul i winim dibeit agensim Papitalai.

Planti taim het masta i save toksave long lo bilong skul tasol planti bikpela mangi na meri tu i save brukim skul rul na ol i go bek long ples. Planti tru i lusim skul long pasin bilong boi na gel pren. Mi yet mi no klia long dispela samting na taim ol i stori long dispela samting mi ting olsem boi na gel pren em ol lain i save stap gut na stori wantaim, mi no save olsem dispela em ol i tok long ol man na meri i traim mekim wok bilong adam tupela iva.

Ol mak bilong mi long skul i no antap tumas na mi no klia wanem kain skul o wok trening bai mi kisim bihain long fom 4.

Olgeta mangi i save driman long kamap ami na nevi tasol long taim bilong mipela Bogenvil kopa na ol yunivesiti i kisim planti man na meri tasol planti bilong mipela i no klia ol i save mekim sileksen olsem wanem.

Fom 2 i kam na ol i askim sapos sampela i laik go long teknikel skul. Mi no klia na mi stap bek na mekim fom 3 na fom 4 tasol mi kirap nogut tru long ol samting i kamap long mi bihain long fom 4.

Sekim neks wik long ritim moa stori...

Barakau paialait long krismas na niu yia de...

Ol Poto: Nicky Bernard



ANTAP na DAUBILO: Ol lapun i gat kik long taim bilong amamasim Nupela Yia, Barakau ples long Sentral Provins i bin amamas Niu Yia bilong wantaim stail.



Ol Buka na Sepik bilong Mt Hagen kam raun long Mosbi long taim bilong Krismas na Niu Yia.



Kareoke tu kamap we wanwan grup i kam na mekim save long singsing long ples Barakau.



PEN PREN



Salim i kam long:
P.O. Box 1982
Boroko, NCD
Papua New Guinea

NEM: David G. Bari
KRISMAS: 30 (man)
ADRES: C/- All Saint Parish, P O Box 3, Lae, Morobe Provins
SAVE LAIKIM: raitim pas, mekim pren, harim musik na pilai spots.

NEM: Winniefred Nyarko
KRISMAS: 27 (meri)
ADRES: P O Box SW 951, New Estate Road 5B, Agoma Swedru, Ghana, W/A.
SAVE LAIKIM: danis, swim, pilai spots, mekim pren na travel.

NEM: Odilia Semieg
KRISMAS: 23 (meri)
ADRES: P.O Box 425 Wewak ESP
SAVE LAIKIM: Go lotu, mekim fani na painim poro.

NEM: Anna Isaiah Changau
KRISMAS: 27 (meri)
ADRES: P.O Box 141, Bialla WNB
SAVE LAIKIM: Go lotu, raitim pas, rit, kuk na harim gospel musik.

NEM: Joy William
KRISMAS: 22 (meri)
ADRES: P.O Box 4347, Lae, Morobe Province
SAVE LAIKIM: Mekim fani, go lotu na pilai volibol

NEM: Anna Waluka
KRISMAS: 21
ADRES: C/- Mary Waluka, P.O.B.O. Box 833, Kimbe W.N.B.P
SAVE LAIKIM: Mekim pren, pilai voli bol, harim musik, lukim TV na go piknik.

NEM: Robert Simion
KRISMAS: 20 (man)
ADRES: P.O. Box 354 Lae 411 Morobe Province
SAVE LAIKIM: Wokim haus, planim rais, ridim buks na go raun long bush.

NEM: Herold Pokentua
KRISMAS: 20 (man)
ADRES: P.O Box 2129, Madang.
SAVE LAIKIM: Pilai spot, ritim buk, mekim pren, raitim pas, go lotu, na harim musik.

NEM: Dickson Bobby
KRISMAS: 20 (man)
ADRES: P.O Box 394, Popondetta, Oro Province
SAVE LAIKIM: Pilai soka, pilai musik, lukim TV, na raitim pas

NEM: Rosalinda Say
KRISMAS: 25 (meri)
ADRES: Lectures Villa, P.O Box AD 916, Adisel, Ghana, West Africa
SAVE LAIKIM: Raitim pas na mekim pren

NEM: Terence Jiki
KRISMAS: 19 (man)
ADRES: P.O Box 3841, Lae, Morobe Province
SAVE LAIKIM: Pilai Spots, mekim pren na raitim pas

Raun wantaim Kanage olgeta wik

Tok Inglis i kisim tripela poro i go long kalabus

NEM bilong ol em Fafti, Yokomo na Kanage. Ol i no save long tok Inglis na ol i save stap long ples tasol. Wanpela taim ol plen long go long taun long lainim tok Inglis. Fafti go pas long taun, long taun em harim ol man tok, "3 of us", em lokim tasol long het na kam long ples. Neks de Yokomo go long taun na kam wantaim tok Inglis, "Because of money". Laspela man long go long taun em Kanage na em i kam bek wantaim tok Inglis bilong em, "Lets go". Potnait Fraide kam na tripela laik traimit tok Inglis bilong ol na ol i go long taun. Long rot ol raskol kilim wanpela man na kisim mani bilong em na ronawe, na tripela brada go kamap long hap we man i dai stap. I no long taim polis kam kamap na askim ol, "Who killed this man?"

Fafti tok, "3 of us", Polis askim gen, "Why did you kill him?" Yokomo bekim, "Because of money", Polis bel hat na tok, "You want me to take you to jail?" Kanage ansarim, "Lets go, na polis kisim tripela go long kalabus.

*Sims 4Mile, Popondetta
Awara Tasol*

'Earthquake Man'

KANAGE em bilong ples Motonau long Not Kos Rot long Madang. Em i raunraun na em i hangre nogut tru na em go long haus na nogat kaikai. Isi tasol Kanage i stilim pis bilong meri bilong em na laik stat long kaikai i stap na wanpela poro kam na kolim nem bilong em, em guria nogut tru na laik tok yu mekim na mi guria na em abrus na tok, "Yu make me and i earthquake ya." Poro harim na tok stil man wantaim rong tok pisin.

*Freda Melchior
Motonau, Madang*

Man o wara i toktok?

KANAGE i kisim wara go na em i harim olsem ol i wok long senisim presen na tok meri krismas na hepi niu yia na amamas ol yet na tok na sekan i go i kam long soim amamas bilong ol wantaim krismas na hariap tasol em tok mi mas go hariap long haus na gritim meri bilong mi tu.

Taim em kamap long haus em holim meri bilong em na tok, "Where is my christmas?" meri kirap nogut long harim dispela tok na em i bekim, "Yu kilia, long long man. Man tru tru toktok o wara toktok"

*Freda Melchior
Motonau, Madang*



'Pater, plis stop pastaim'

WANPELA Sande, Kanage i bin go long lotu na em i karim K12 i go long lotu. Em i tok olsem, em bai putim K2 long ofa na K10 bai em baim kaikai long maket.

Taim bilong ofa nau na ol yut wok long singsing i stap long kisim ol ofa bilong ol manmeri i stap. Kanage em bisi long harim ol singsing na tu em i wok long singsing wantaim na taim ol i karim basket bilong putim ofa, Kanage kirap tasol na putim olgeta koins bilong em i go insait long basket.

Na, taim bilong karim ofa i go long pater na em i tingim olsem em i putim olgeta koins bilong em i go insait long basket.

Em i wok long tingting long hau long kisim bek K10 bilong em na pater i stat long beten long ofa i kam. Isi tasol em i kirap na go long pater. Pater i lukim na

em i tok, "Pikinini olsem wanem?"

Ayo pater, plis stop stop. Plis mi lus tingting na givim olgeta koins bilong mi long ofa. Mi laik givim K2 tasol mi abrus na putim olgeta i go insait. Plis givim mi tasol K10 na yu ken holim K2. Em ofa bilong mi.

Na pater i tok, "Yu givim pinis long bikman pinis." Na Kanage kirap na tok olsem, "Yu tupela bikman save givim mi moni ah. Givim K10 blo mi kam bek nau tasol."

*Wally Anis
Maunt Hagen*

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Bai yu i gat sans long winim "Raitman Kanage" t-siot!

Painim Tok!

Raitim daun wanem pani samting yu ting i gutpela insait long babol long poto...



BAI YU WINIM WANPELA WANTOK T-SIOT O LAPLAP!

Salim i kam long: Pani Toktok Kompetisen, P.O. Box 1982, Boroko, NCD Port Moresby - Sapos mipela i lukim wanem samting yu raitim i gutpela bai yu winim wanpela Wantok T-Siot o laplap na bai mipela i putim i go insait long pepa.

Nem:..... Adres:.....

Krismas bilong yu:..... Telepon:.....

Yu baim Wantok niuspepa long wanem hap:

(Rot, Maket, Stua).....

Katim long bia

BSP givim Laiplain

Andrew Molen i raitim

LAIP lain (Life Line) i kisim sampela laip taim Benk Saut Pasifik (BSP) i givim ol sampela kompyuta, sia tebol na ol arapela samting bilong wok long Trinde dispela.

Laip Lain i save helpim ol manmeri wantaim kain kain hevi ol i gat long ol sindaun bilong ol tasol ol i nogat planti samting bilong helpim wok bilong ol.

"Mi laik tok olsem BSP em i tru benk bilong ol pipel.

"Em i helpim long givim

ol sevis i go long ol manmeri we ol i laikim tru long en," dairekta bilong Laip Lain, Joseph Saronduo i tok.

Em i tok ol i amamas long kisim dispela helpim bilong BSP na i laik kain wokbung na helpim i mas kamap yet.

Het bilong HR Strategy and Plan bilong BSP, Moses Kewa i tok ol i luksave long hatwok bilong Laip Lain na i gat tingting long helpim wok bilong ol.

Laip Lain i kamap long PNG long 1973 na i stap 36 yia nau.

Ol i save givim helpim na stia toktok long stretim tingting bilong ol lain husat i gat hevi long sindaun na laip bilong ol.

I gat tripela kain helpim, wanpela em long sindaun wantaim na toktok, narapela em long telefon na narapela gen em long raitim pas.

Telefon em 326 0011 sapos yu laik toktok wantaim ol.

"Mipela i no save sasim wanpela mani long ol lain mipela i helpim," Mista Saronduo i tok.

10 o 15 manmeri save



TOKTOK: Mista Kewa (name) na misis Mawe i soim ol wokmanmeri bilong Life Line long wanpela nupela kompyuta BSP i givim ol. POTO: Andrew Molen.

go lukim ol long kisim helpim insait long wanpela wik.

I gat 8-pela wokmanmeri stap long opis bilong ol long Not Waigani long Mosbi na i

gat ol arapela husat i save helpim tu.

Laip lain i save wokbung wantaim ol sios na arapela ogenaisesen na grup olsem

long kamapim dispela sevis.

"Tenkyu BSP long helpim bilong yupela," Mista Saronduo i tok.

Ol kampani i no helpim ol kastoma

Tony Sapan i raitim

Bikos ol i no gat gutpela plen bilong helpim ol kastoma, planti bisnis i wok insait long Londolovit taun long Lihir Ailan i save sindaun tasol long pawa i kam long Lihir Gol Projek na i no bin nap long helpim ol kastoma bilong ol long namba 29 de bilong dispela mun, bikos i no bin gat pawa.

Moa long wanpela ten foa (14) yia bihain long wok maining i stat long dispela projek long 1995, tupela supamaketa, tupela hatwe, Bank South Pacific, Lihir Post Office, ol narapela stoa na bisnis i go het long kamapim dispela hevi long ol kastoma bilong ol, olgeta taim i nogat pawa, long wanem ol i nogat jenereta set bilong ol yet.

Ol dispela bisnis haus i go

het long gat dispela hevi bilong ol kastoma, tasol ol yet i mekim planti mani long ol kain wok ol i salim.

Sampela kastoma i bin sanap long lain long kisim sevis long BSP na ATM, tupela supamaketa, tupela hatwe na Lihir Pos Opis na askim sapos ol dispela kampani i save wanem kain hevi ol i wok long kamapim long ol kastoma bilong ol olgeta taim i no gat pawa na ol i no nap helpim ol.

Ol dispela hevi i kamap bikpela dispela long Krismas na Nu Yia taim long wanem wanpela stoa tasol em i save salim pawa unit i go long sampela tausen kastoma long Londolovit taun na ol ples klostu long Lihir Main, i bin pas yet long krismas de na i opim dua gen aste, Trinde.

ADB helpim i go long Baisu em i gutpela samting

Paulus Tali i raitim

WANPELA bisnisman long Maun Hagen insait long Westen Hailans provins i tok amamas long helpim Australia Developmen Benk i givim long Baisu haus kalabus inap long manimak K80 milien.

Benny Maip, wanpela lokol bisnisman long Hagen taun, i gat wanpela lokol kampani, em Whiskey Fresh, i tok tenkyu long sapot ADB i givim long Baisu haus kalabus.

Helpim i kamap wantaim wokbung bilong Rotari klab na ol arapela bisnis lain tu.

"Longpela taim i kam inap nau, Baisu i no bin kisim kain

luksave na gutpela sapot i kam long gavman ol NGO (Non Gavman Ogenaisesen) long kain rot bai ol lain long haus kalabus bai inap long kisim gutpela helpim.

"Em bai bringim gutpela luksave i kam long komyuniti na i ken kisim moa benefit long dispela K80 milan na tu i ken givim sans bilong wok long ol yangpela," Mista Benny i tok.

Dispela mani helpim bai strongim ol wok skul na trening bilong ol yangpela i stap insait long haus kalabus, bai ol i ken go bek na helpim komyuniti bilong ol bihain long ol i lusim Baisu.



WINA: Helen Taima, wanpela meri husat i kamap namba wan wina bilong ol liklik prais. Em i kisim prais bilong em, wanpela MP3 pilai, long Stua Menesa bilong Hagen, Rachel Pedregosa.

Laspela wik bilong City Pharmacy resis

DISPELA wik em i laspela wik na laspela sans bilong ol manmeri long stap insait long resis bilong winim bikpela prais wantaim City Pharmacy (Siti Famesi) na Stop And Shop.

Bihain long dispela wik i pinis, PNG bai save long husat fopela manmeri bai laki na winim raun i go long Gold Coast (Gol Kos) long Austgralia wantaim famili bilong ol, em tupela bikpela manmeri na tupela pikinini.

Dispela promosen bai pinis long

dispela wik Fraide, Januari 8.

Olgeta bikpela wina bilong dispela resis bai gat K2000 mani bilong yusim, fopela nait rum slip, na tiket bilong go traim ol kain kain bikpela pilai long Gold Coast.

Ol arapela liklik prais, em ol bai droim pastaim long bikpela wina dro long wan wan bilong ol 26 City Pharmacy stoa na faivpela Stop And Shop stua long kantri.

Airlines PNG, husat i sapotim dispela promosen bai stretim olgeta ron

bilong balus i go long Brisben Australia.

Maketing Menesa bilong Airlines PNG, Fiona Speedy, i makim kampani na tok ol i amamas tasol long stap insait long dispela bikpela resis we bai i ken givim sans long wanpela famili long go lukim olgeta kain kain naispela pilai na malolo gut long Australia.

Bikpela dro bai kamap long neks wik Fraide, Januari 15.



Ol man long ples Yaukwe i sanap arere long ol lain kopi gaten. Ol dispela blok kopi em namba wan taim ol i planim kopi na ol i kisim blok long en.

MENYAMYA ROT: Wanpela masin i stretim rot long ples Kapau long Apa Watut. Foto: Bustin Anzu

Menyamyama, ples bilong kopi

Bustin Anzu i raitim

MENYAMYAMA em wanpela ples bilong kopi stret.

Bikpela i bin blesim dispela ples wantaim Kopi. I nogat sampela gutpela samting i save gro long dispela hap. Olsem poteto na narapela ol gutpela kaikai bilong salim na kisim mani.

Tasol Bikpela i bin blesim wantaim kopi. Graun em wankain olsem ol graun bilong Hailans provins we kopi i ken gro. Olsem na taim ol manmeri i planim kopi, em i kamap olsem namba wan kes krop bilong ol. Na dispela i no giaman.

I no gat marasin o ol narapela samting we ol i save planim wantaim kopi. Nogat, em i save gro nating wantaim gris bilong graun, olsem na em i oganik stret.

Em i gutpela bilong maket tasol rot em wanpela bikpela hevi bilong ol. Nau yet, i gat gutpela rot sistem i stap olsem na ol bai larim istap rot bai klostu pinis.

Kopi em i sting na kapsait long Menyamyama, Aseki na Watut, ol ples we i long we long Bulolo o Lae siti.

Insait long ol liklik ples ikam inap long bikrot, kopi em i stap.

Sapos yu raun long Lae siti na yu lukim ol len krusa 4 wil wantaim ol kopi beg o plastik kontena hangamap long sait na ol raun istap, em ol lain i kam long Menyamyama, Aseki o Watut ples. Maski yu baim hamas beg yu laikim, kopi em stap yet.

Ol dispela kopi long kar long taun bilong Lae, em ol kopi ol i baim arere long rot igo long Menyamyama, Aseki na Watut. Tasol kopi tru tru i stap long ol hauslain insait long ples stret.

Ol i save painim hat long karim ikam aut long rot bilong wanem, rot em wanpela bikpela problem o sampela taim, taim ples em i ren, rot kondisen i no gutpela tumas long kisim ol dispela kopi i kam aut. Olsem na ol bai larim istap long haus bilong ol yet i go inap em i sting.

Taim dispela kopi kampani bilong ol yet, Yah Hauka Kopi LTD i stap, em i sevisim gut tru ol manmeri husat i save planim kopi long ples bilong ol.

Olgeta moning ol liklik kar bilong ol bai bihainim ol han rot igo insait long ples bilong ol na baim kopi na kisim igo long tupela bikpela haus kopi, we stap long Menyamyama na Aseki na storim.

Bihain putim igo antap long bikpela kar na karim igo long Lae long salim na kisim mani igo bek long Menyamyama.

Dispela wok em dispela kopi kampani i mekim na ol tu i mekim laip bilong ol lokol famas i amamas na ol i no wari moa long rot bilong salim kopi.

Ol manmeri long dispela hap i bisi long ol narapela wok olsem baim skul fi bilong pikinini bilong ol wantaim dispela ol kopi mani o mekim ol narapela liklik wok bilong ol yet.

Kopi em i wari bilong Yah Hauka. Yah Hauka i mekim gut tru na sevisim ol lain pipel bilong em yet gut tru. Em i save olsem kampani em bilong ol ples manmeri na kopi tu, em bilong ol yet.

Em i bin bes o stap long Menyamyama na Aseki na baim kopi. Em i no bes long taun na igo kam.

Nesenel gavman i luksave save long dispela bikpela wok ol i mekim na givim ol laisens bilong salim kopi i go aut long kantri (ekspot) tu. Dispela i givim ol gutpela piksa na strongim wok bilong kopi igo het moa yet.

Tasol taim Yah Hauka i lusim dispela wok bilong baim kopi, ol pipel bilong Menyamyama, Aseki na Watut i kisim bikpela bagarap. Antap long dispela rot kondisen i bagarap olgeta.

Dispela i mekim kopi laip bilong ol i hat moa yet. Yah Hauka Kopi ino baim kopi olsem pastaim em i baim. (Wanem as na kampani ino baim kopi em i stap long ol bot yet)

Antap long dispela, rot i bagarap olgeta.

Insait long las 5-pela yia, rot i go long Menyamyama, Aseki na Watut i bagarap olgeta. Ol kar i karim kopi i save slip 3-4 pela de long rot. Taim yu ron long rot, em olsem insait long tanel em yu ron.

I gat tupela o 3-pela ples namel long rot bilong Menyamyama, we bai yu slip klostu long wan wik wantaim kopi beg.

Nogat planti lain i go baim kopi. Taim ol i mekim olsem, ol kopi i sting nating long haus lain na bus gaden bilong ol.

Ol lain asples yet i baim kopi na ol lain long Hailens olsem Enga na Westen Hailans i go na baim kopi, traim long rausim kopi bilong ol na givim ol sampela mani long ol. Ol i traim long givim sevis long ol lain.

Tasol taim nupela memba bilong Menyamyama na Aseki Benjamin Philip i stretim rot bilong ol, ol lain autsait i amamas long baim kopi gen na provaidim sampela kain sevis bilong ol.

Projek Menesa bilong ol rot David Kaupa i tok rot em i wanpela bikpela hevi long Menyamyama, Aseki na Watut. Olsem na lokol Memba Benjamin Philip i gat bikpela wari na bel sori bilong rot.

"Meba i baim sampela masin na ol i wok long stretim ol rot i stap. Ol dispela rot we ol i save kam slip klostu long wanpela wik em ol i

rausim ol graun na pulumapim nupela karanas na mekim gut. Olsem na ol kar i go kam stret long wanem hap em ol i laik i go," em i tok.

Kaupa i tok rot em wanpela bikpela hevi nau ol i stretim na dispela wok bai go yet inap ol i stretim olgeta rot insait long Menyamyama, Aseki na Watut eria.

Paias Nii em wanpela yangpela man husat i gat dispela kain tingting bilong helpim ol lain long dispela hap na baim kopi.

Em i bilong Baiyer Riva long Westen Hailans, husat i save baim kopi long Menyamyama na Aseki eria.

Em i tok em i bin baim kopi stat long dispela yia tasol na tok kopi em i sting long dispela hap ples. Tasol rot em wanpela samting we i save pasim ol long baim kopi.

"Rot em wanpela samting we mekim laip bilong ol long baim kopi i hat. Tasol nau dispela MP i putim ol masin bilong wokim rot i sanap arere long ol rot na stretim ol rot. Na dispela i mekim rot i isi. Rot i no wanpela hevi moa," em i bin tokim Wantok Niuspepa.

Em i tok pastaim, ol lain bilong baim kopi i save kisim hat taim stret long rot. Tasol nau i no olsem. Yu ken ron i go long Menyamyama na kam bek gen long Lae siti.

Nii i tok em i bin stap long ples na go daun long Lae na kamap

bas draiva long Lae siti inap 3-pela krismas olgeta. Na em i lukim ol man wantok bilong em igo kam long Menyamyama, Aseki na Watut rot long baim kopi.

Na em i bin gat dispela tingting long baim kopi tasol em i no baim gat mani long baim kopi.

Insait long tripela yia, em i pasim tingting tasol na draivim bas i go inap taim em i lukim olsem em i bin gat inap mani, em i lusim draiva wok long taun na baim wanpela len krusa bilong em yet na stat long baim kopi.

Em i tok long pastim, ol lain i save hairim kar na karim kopi bilong ol i go long Lae long salim. Rot i bagarap na ol i sasim ol manmeri long kilo bilong beg bilong ol.

"Taim rot i nogut, ol i sasim olsem K1.30 igo long K1.50 long wanpela kilo. Tasol nau rot i orait olsem na prais igo daun namel long 70 -90 toea," Ni i tok.

Em i tok nau yet em i save karim samting olsem 27-30 beg kopi i go long Lae long salim long wanem, rot em i orait.

"Pastaim mi save karim namel long 23-25. Long rot mi save pilim ino gutpela tumas long givim hevi long kar bilong mi. tasol nau em i orait, mi ken karim olsem," em i tok.

Kaupa i tok taim olgeta rot insait long Menyamyama, Aseki na Watut i kamap gutpela, planti populesen bilong dispela hap bai igat bikpela wok long salim kopi bilong ol long Lae o ol narapela man igo baim kopi long eria bilong ol.

Kaupa i tok planti long ol dispela ples we i bagarap em ol i stretim tasol igat sampela hap we i save mekim hat liklik em ol i wok long fiksims.

"Taim ol dispela i pinis, rot bai orait na kopi bai igat bikpela luksave insait long provins," em i tok.

Kaupa i tok tu olsem ol i samapim 4-pela tawa bilong telepon kampani Digicel na dispela i mekim laip i isi liklik. Olgeta hap long Menyamyama, Aseki na Watut em igat netwok bilong Digicel na ol i ken toktok wantaim ol wantok bilong ol insait long Papua Niugini na wol tu.

Kopi long Hailans i stap tasol kopi bilong Menyamyama em trupela. Igat kopi long Kabwum, Pindiu (bus bilong Finschaffan) na sampela hap long bus bilong Boana na Wau tasol kopi tru tru i stap long Menyamyama, Aseki na Watut.

I no save sot, i no save stop. Em i stap na stap yet.



ROT BAGARAP: Kar bilong Ni i pas long Koiwa, wanpela ples klostu long maus rot bilong Aseki stesin na ol man i pusim. Long dispela taim, Ni i karim 27 beg kopi.

Kosa no amamas long soka fil

KOSA bilong Australia soka tim, Pim Verbeek i no amamas long dispela pilai graun we tim bilong em bai pilai long en agen-sim Kuwait.

Sapos ol i win dispela gem bilong Esia kap bai ol i go bek gen long 2011.

Tasol Verbeek i tok dispela pilai graun i mekim na em bai senisim stail bilong ol long pilai.

"Em i no gutpela liklik.

"Dispela em wangepela nogut pilai graun tu mi pilai long en wantaim ol

nesenel tim," em i tok.

"I luk olsem mi mas senisim stail bilong pilai bilong mipela tu," Verbeek i tok.

Tasol em i tok tu olsem, narapela tim tu bai bungim wankain hevi olsem na ol i noken wari tumas bilong wanem gem bai ron wankain tasol long tupela tim wantaim.

"Em bai no inap gutpela gem tasol tupela tim wantaim bai bungim wankain hevi," Verbeek i tok.

Winim milien long dat sempionsip

SIMON Whitlock bilong Australia i tromoi dat bilong em long win agensim Raymond van Barneveld bilong Nedalens (Netherlands) long go insait long fainol bilong Wol Dats sempionsip we i kamap long Alexandra Pales long London.

Whitlock i win 6-5 long gem bilong ol long Sarere Jenuari 2, 2010.

Man i winim dispela tonamen bai kisim £1 milien (K4.4 milian), tasol Whitlock i lus long fainol.

POTO: Lawrence Lustig.



Wankain spit

TUPELA YET: Namba wan spitman long wol, Usain Bolt bilong Jamaika i holim wangepela bebi sita (cheetah) we i gat tripela mun tasol.

Bolt i givim nem long dispela sita olsem "Lightning Bolt" bihain long em i kisim dispela animal i go aninit long was

bilong em long hetkwata bilong Kenyan Wildlife Sevis long Nairobi.

Sita em animal we i gat spit moa long olgeta animal long graun.

Spit bilong ol i go inap 100 km/h we i wankain olsem spit bilong kar.

POTO: AAP/ Karel Prinsloo.



PNG meri bai kisim intanesenel refri trening

Andrew Molen i raitim

WANTING Yagum em wanpela meri refri tasol long nesanel level insait long PNG.

Nau bai em i go kisim wanpela trening kos long Oklen (Auckland) long Nu Silan (New Zealand) we bai apim em i go long intanesenel level.

Yagum i save pilai soka bipo na nau i wok olsem refri inap 4-pela yia nau na i kamap olsem asisten refri pinis.

Em i tok wok olsem

wanpela refri meri namel long ol arapela man refri em i bikpela salens long em tasol em i lainim long wokbung wantaim ol.

"Mi laikim bai ol arapela merit u i mas kisim skul long kamap soka refri bilong PNG," em i tok.

Yagum i save stap wantaim Lae Futbol Asosiesen (LFA) na i amamas long go long dispel trening kos long Oklen.

Kos bai stat long Jenuari 14 dispela na ron inap wanpela wik.

Bihain long dispela trening bai em i refri long wanpela OFC U20 kwali-faia tonamen long hap we bai ron inap narapela wanpela wik moa.

Yagum i tok tu olsem, i gutpela long wanpela soka asosiesen bilong ol meri yet i mas kamap insait long PNG.

Dispela bai lukim ol meri yet i lukautim na ronim ol pilai bilong ol.

Nau yet olgeta pilai bilong ol meri stap aninit long PNG Futbol Asosiesen (PNGFA).



REFRI: Yagum bai kisim trening long Nu Silan dispela mun. POTO: Andrew Molen.



KIRAPIM DAS: Wanpela kar i tanim kona long Dakar resis.

Kar kilim sapota long Dakar

WANPELA meri dai taim wanpela kar bilong resis i tanim krangki na ron i go insait long ol manmeri husat i sanap na lukim resis i stap long Tunde nait dispela wik.

Dispela i kamap long Dakar resis bilong ol kar long Yurop (Europe).

Ol kar na moto baik i save resis nait na san long katim bikpela drain a wesan ples long wanpela

kantri go long narapela kantri inap olsem pinisim resis.

Em i save kamap namel long Frens na Afrika tasol stat long las yia ol i kisim dispela resis i go long Saut Amerika.

Dispela hevi kamap long namba wan hap bilong dispela resis insait long 2010 namel long Buenos Aires and Cordoba.

Planti ol arapela tu i kisim

bagarap tut aim dispela 4x4 kar we Mirco Schultis na Ulrich Leardi bilong Germany an Switsalen i bin ronim.

Dai bilong dispela meri kisim namba bilong ol lain i dai long dispela resis i go antap long 52 long taim resis i stat long 1979 inap nau.

Dispela meri em namba 16 sapota long dai.

Gallen les long pilai wantaim Sharks

PAUL Gallen i tokaut long Disemba las yia long tingting bilong em olsem em i laik lusim Cronulla Sharks na pilai long narapela NRL tim.


Tasol ol Sharks i kirap nogut long harim dispela toktok insait long ol nius ripot.

Si ekskyutiv opisa bilong Sharks, Richard Fisk i tok long wanpela pas olsem Gallen, husat i bin kepten bilong ol bipo em i wanpela bikpela samting long klap na tim bilong ol.

Na ol i amamas long em i stap na pilai wantaim ol inap long kontrak bilong em i pinis long 2011.

Ol nius ripot i tok Gallen ino amamas long kalp i sasim em long baim fain long sampela bikhet pasin em i mekim na dispela i mekim em i laik lusim ol.

I gat bilip olsem ol wokman bilong em i toktok wantaim Wests Tigers na Manly sapos em inap pilai wantaim ol long 2010 sisen.



LES: Gallen ino laik go bek pilai wantaim Sharks.

Fisk i tok em i save olsem Gallen ino amamas long dispela fain em i kisim na i toktok long em na menesa bilong em pinis tasol i kirap nogut long harim dispela stori long nius gen.

Em i tok Gallen i gat planti hevi tasol em ino askim klap yet long rausim kon-

trak bilong em wantaim ol. Ol i sasim \$10,000 fain long Gallen las wik long em i pispis long pablik ples. Bipo long dispela ol i sasim em i baim fain \$10,000 tu long em i mekim tok we i bagarapim asples na skin kala bilong narapela man.

Ol i rausim wok kepten long em tu long dispela pasin em i mekim. Ol ripot i tok tu olsem Gallen ino pilim gutpela long go bek na pilai wantaim ol Sharks tasol nau yet i luk olsem em bai go bek na trening wantaim ol gen taim ol i stat ron long Jenuari 11, dispela yia.

SPOT RAUN

WANTAIM

Scott Vavine, ML



Watpo na yu mas ridim dispela kolum?

DISPELA wik bai mi toktok long wanem as na yu mas ridim dispela kolum o hap toktok long hia olgeta taim.

Dispela kolum em i gutpela tru bilong wanem em i save tokaut klia long ol kain kain wok bilong spots, long ol grasrut manmeri bilong komyuniti insait long kantri.

Em i no save tokaut tasol, em i save skulim yu tu long planti samting bilong komyuniti spots we yu mas save bai yu ken kamapim na ronim ol gut.

Mi ken tokim yu olsem dispela kolum ino olsem ol arapela kolum i save stap insait long ol arapela niuspepa bilong PNG.

Mipela i save raitim dispela pepa na kolum tu long mama tokples bilong yumi ol PNG stret, tok Pisin we yumi olgeta bai ken inap long ridim save gut.

Tingim, taim mi tok olsem em ino olsem ol arapela kolum insait long ol arapela niuspepa, mi min olsem em i gat sampela ol samting we yu bai no inap lukim insait long ol arapela.

Long hia bai lainim planti samting long sait bilong spots long grasruts level na tu long intanesenel level.

Dispela kolum i ken helpim long senisim tingting bilong yu long ol pasin na rot yu save bihainim long lukautim na ronim ol komyuniti spots bilong yu.

Dispela ol senis i ken helpim na senisim tu laip bilong ol manmeri insait long komyuniti bilong yu.

Em i ken helpim yu na komyuniti bilong yu tu long lukluk long ol arapela hevi we wanwan spots oge-naisesen i save bungim insait long komyuniti.

Astingting bilong dispela kolum em long lukluk long gutpela sindaun bilong ol manmeri husat i save stap insait long dispela ol komyuniti na wanem kain rot spots i ken helpim ol long kamapim gutpela sindaun.

Ol spots lida i ken kisim planti gutpela save long hia we ol i ken yusim long helpim ol long stretim na ronim gut moa ol komyuniti spots bilong ol.

Sapos ol i lainim planti samting long hia bai ol i no inap wari long go long wanpela bikpela kos long kisim wankain save.

Ol i ken bihainim tasol ol samting mi save soim long hia na ol samting bai kamap gut long ol.

Dispela em trupela tok mi tokim yu long dispela kolum.

Mi laikim olgeta manmeri mas stat long baim wanpela kopi bilong dispela niuspepa na ridim dispela hap kolum olgeta taim long lainim na save long planti moa samting.

Sapos yu bihainim ol toktok i stap insait long hia bai yu yet i lukim senis i kamap long ron bilong ol spots bilong yu na tu insanity long komyuniti bilong yu.

Laspela samting mi laik tok em; mi laikim olgeta manmeri husat i save ridim dispela pepa na dispela kolum olsem ol samting mi raitim long hia em mi no raitim nating.

Mi save raitim ol samting we mi lainim insait long planti yia tru long wok bilong mi olsem wanpela spots opisa wantaim ol grasruts komyuniti spots insait long kantri. Long dispela as mi ken tok olsem dispela ekspiriens bilong mi i mekim na wanem samting mi putim long hia bilong yu long kisim na save em ino pipia na bikpela save tru na nogat man bai nap long askim save bilong mi long en.

Gem bilong NRL yet

NRL laik kamapim wanpela gem namel long ol biknem pilaia bilong Australia na ol asples pilaia bilong Australia.

Kosa bilong NRL All Stars tim, Wayne Bennett i laik bai Tigers pilaia, Gareth Ellis, Matt Cooper na Gareth Ellis i winim ples insait long tim.

Dispela em bilong wanem em yet bai no inap makim tim tasol ol manmeri bai vot long husat ol pilaia ol i laikim i stap insait long tim.

Ol sapota bai makim 16 pilaia we wanwan i mask am long wanwan klap insait long NRL.

Dispela 16 pilaia bai go insait long 20-man skwat bilong Bennett we bai pilai long Februari 13 long Gold Coast.

Ol bai gat strongpela salens bilong wanem asples tim, NRL Indigenous All Stars bai gat ol pilaia olsem Greg Inglis, Jonathan Thurston na Justin Hodges i stap insait

long en.

Bennett i makim 64 pilai we 4-pela i kam long wanwan klap bilong ol sapota long makim wanwan bilong ol.

Em i nogat toktok long husat bai stap insait long tim tasol em i amamas long kisim Darren Lockyer, Benji Marshall, Adam Blair na Cameron Smith i stap insait long tim pinis.

Bennett i laik bai ol manmeri mas makim Cooper bilong wanem em i namba

wan senta long sait bilong difens na i ken was long Hodges na Inglis husat ol bai holim senta bilong ol asples (Indigeneous) tim

Em i laikim tu Ellis na Gidley stap long tim bilong em.

"Mi bai amamas sapos ol i makim Kurt (Gidley), em gutpela long dispel kain gem.

"Em i ken pilai olgeta hap olsem na mipela i laikim kain man long tim," Bennett i tok.



NAMBAWAN LONG DIFENS: Bennett i laikim ol sapota i makim Cooper long tim bilong em.

... stopim politiks long spots

■ ikam long pes 28

Arang i save stap na trening aninit long nem na klap bilong wol sempion boksa na bipo ragbi lig pilaia, Anthony Mundine.

Em i gat pepa tu bilong Australian Sports Institute (AIS) bilong kamap olsem kosa we em i save yusim long trenim ol yangpela Aborigine mangi.

"Mi laik yusim dispela save na sans tu long

trenim sampela ol yangpela boksa bilong PNG," Arang i tok.

"Nau mi stap long gutpela hap long helpim ol yangpela boksa na husat i laikim i ken painim mi," em i tok.

"Mi no yangpela moa na taim mi pinis pilai, mi laikim ol arapela yangpela i mas kisim ples long karim nem bilong kantri yet," Arang i tok.

Em i tok em i laki long

gat dispela sans long stap long hap na trening na pilai wantaim ol gutpela samting i laik ol arapela i mas kisim dispela sans tu.

Arang i laik bai ol bikpela spotsman bilong ol arapela spot i mekim wankain long ol yangpela pilaia bilong ol.

Arang i bin kam long Mosbi long Disemba las yia long tripela wik malolo bilong em na bai go bek dispela mun long redi gen bilong nupela yia.

Em i bin wanpela profesenol kikkoksa bilong PNG aninit long klap bilong Stanley Nandex bipo tasol i go joinim profesenol boksing na i stap trening long Australia moa long tripela yia pinis.

Husat i laik save moa long helpim bilong Arang i ken ringim dispela ripota long Wamtok niuspepa long 325 2500 o salim emel long andrew.molen@gmail.com



BIKPELA YIA: OI PNG Pukpuks bai gat planti pilai dispela yia. PNGR-FU i tokaut long ol progrem bilong ol dispela yia we bai lukim nesanel ragbi yunion tim bai raun planti tru na pilai long PNG na ovasis.
 POTO: Andrew Molen.



PAIT MAN: Profesenol boksa, Kartu Arang i paitim bek long Life Gym long Mosbi long krismas taim las yia. POTO: Andrew Molen.



KIK: Wanpela pilaia bilong Eastern Stars FC i laik kikim bal i go baksait long het bilong em long wanepal NSL gem bilong ol long Mosbi las yia. OI NSL gem bai kirap gen liklik taim.
 POTO: Andrew Molen.

Stopim spots politiks

Kirapim boksing na ol arapela spots long PNG

Andrew Molen i raitim

PROFESENOL PNG boksa, Kartu "Wantok Warrior" Arang i laik olgeta spots i stopim politiks bilong ol na lukluk tasol long gutpela bilong spots na ol pilaia bilong ol.

Em i tok i gat planti politiks tumas insait long spots long PNG na dispela em wangepela di-velopmen i no save kamap hariap long en.

Sampela ol spot we I save gat ripot bilong planti toktok I kamap namel long ol ofisol em olsem soka, taekwando, boksing na ol arapela long husat tru i go pas long ol.

Arang i tok dispela ol lain i mas lustingting long ol yet na putim spot na ol etlit bilong ol i go pas bai dispela i helpim ol na kantri tu.

Em i save stap trening na pait aninit long nem na klap bilong

wol sempion boksa, Anthony Mundine long Redfern long Sydney, Australia.

Arang i sori tu long harim olsem ol i stopim profesenol boksing long PNG las yia.

"Mi sori long harim wangepela yangpela man i dai long ring tasol mi laik olgeta ofisol na oge-naisesen i luksave long ol asua bilong ol na go het long kirapim na ronim gut gen profesenol boksing long PNG," em i tok.

Spots minista long dispela taim, Dem Carol Kidu i bin tok long wok painim aut bai kamap na ripot i mas go long em long pinis bilong Oktoba, 2009.

Em i tok tu olsem olgeta asosiesen na ofisol boksing tu i mas rejistaim ol yet gen bipo long dispela a taim sapos ol i laik stap insait long dispela spot gen taim em i kam bek.

■ igo moa long pes 27.

INSAIT:
PNG Meri bai kisim intanesenel refri skul

Pes 26



BOROKO PELES BILONG SILVA SEVIS
MOTORS

Niupela **State-of-Art** Woksop i Op nau long Pot Mosbi

Olsem pat bilong Silva Sevis mipela i laik mekim Pot Mosbi rot seif wantaim 100 Poin Sefti Sek.

***K 49.00**

BOROKO MOTORS

Telephone: Heather - 3024 460
Email: heatherw@borokomotors.com.pg
Website: www.borokomotors.com.pg

